

373

P-41

ETOS SAM 10
MAR 2010


ԱԼԷՔՍԱՆԴՐԱՊՈԼԻ

ԱՌԵԻՏՐԱԿԱՆ ԴՊՐՈՑԸ

Ե Ի

ԱՅԴ ԴՊՐՈՑԻ ԲԱՐԵՓՈԽՈՒԹԵԱՆ ՀԱՐՑԸ

ՔԱՂԱՔԻ ԵՒ ԳԱԻԱՌԻ ԻՐԱԿԱՆ ՊԱՀԱՆՋԻ ՀԱՄԵՄԱՏ



Գ Ր Ե Ց

Պ Ե Տ Ր Ո Ս Ե. Բ Ե Բ Ո Ւ Ր Ե Ա Ն



373
Բ-41

Երան, «Շիրակ» Ալեքսանդրապոլ
1911

Նյն մարդը, որի շնորհիւ հեղու ցո-
ղուն է բուսնում այնտեղ, ուր առաջ մէկն
էր բուսնում, աւելի է նպաստում ժողո-
վրդի բարօրութեանը, քան թէ բոլոր քա-
ղաքագէտներն ու փիլիսոփաները:

Խ. Ավիճե

I

Երբ 1906 թ. Ալեքսանդրապոլի Առևտրական
դպրոցում տեղի ունեցան աշակերտական անհանգրս-
տութիւններ, քաղաքային վարչութիւնը հարկաւոր
համարեց մի յատուկ մասնաժողովի ձեռօք քննել և
պարզել այդ աշակերտական յուզմունքների պատ-
ճառները և միջոցներ գտնել վերականգնելու և հաս-
տատուն գրութեան մէջ դնելու դպրոցի ներքին յա-
րատե խաղաղութիւնը: Մասնաժողովը հանգամանք-
օրէն քննելով այդ հարցը, գտաւ, որ աշակերտական
յուզմունքները, բացի ներքին և արտաքին յայտնի
պատճառներից, առաջ են գալիս նաև այն հանգա-
մանքից, որ այդ դպրոցի աշակերտութիւնը, շատ
քիչ ժամանակ մնում է դպրոցի և դաստիարակների
կրթիչ ազդեցութեան տակ, որովհետև այդ դպրո-
ցում պարապմունքների օրերը շատ կարճ են և քիչ,
որով աշակերտութեան բնաւորական կրթութիւնը և

կարգապահական ուղղութիւնը, ցանկալի չափով ենթարկւած չեն լինում դաստիարակութեան ներգործող ազդեցութեանը:

Այդ պատճառաբանութեան ընդհանուր հիմունքը այն էր, թէ Ալէքսանդրապոլի Առևտրական դրպրոցում, ամբողջ տարւայ ընթացքում պարապմունքների օրերը լինում են միջին հաշուով 143 օր և այն էլ օրական 4 ժամից պակաս, իսկ մնացած անազին և անզին ժամանակը աշակերտութիւնը կորցնում է անգործութեան և դատարկութեան մէջ:

Այդ պարապ օրերը վատտակելու և օգտակար դարձնելու համար, իմ առաջարկութեամբ և մասնաժողովի միաձայն որոշմամբ ցանկալի համարեց մըտցնել Առևտրական դպրոցում գիւղատնտեսական գիտութիւնը. նախ՝ աշակերտութեանը աշխատանքի սովորեցնելու, մատաղ սերնդի Ֆիզիքական-և մտաւոր ոյժերը զարգացնելու և ապա Ալէքսանդրապոլի Առևտրական դպրոցի կանոնադրութիւնը բարեփոխութեան ենթարկելով, նրա ներկայ ուղղութիւնը աւելի պիտանի և օգտակար դարձնելու թէ քաղաքի և թէ գաւառի ժողովրդի մեծամասնութեան համար: Այդ նպատակով դպրոցի ուսուցչական, հոգաբարձական և ծնողական միացեալ ժողովը, նոյեմբերի 21-ի 1906 թ. միաձայն ընդունեց այդ ցանկալի որոշումը, որպէս էական անհրաժեշտութիւն և խընդրեց դպրոցի վերատեսուչ պ. Վ. Ե. Բամանովսկուն, հաւաքել հարկաւոր տեղեկութիւններ, ծրագիր կազմել և այն առաջարկել քաղաքային խորհրդին: Բայց անցան տարիներ և դպրոցի վարչութիւնը ոչ մի դրական քայլ չկատարեց այդ ուղղութեամբ:

Մի քանի ծնողներ կամենալով նորից արժարծել այդ հարցը, 1909 թ. մարտի 6-ին մի յատուկ

խնդրագրով դիմեցին նորընտիր վերատեսուչ պ. Առն Սարգսեանին ընթացք տալ գործին և գիւղատնտեսական գիտութիւնների հետ միասին, խնդիր յարուցանել հաստատելու դպրոցի հոգաբարձութեանը կից նաև ծնողական խորհուրդ, որով կամենում էին որոշ չափով օգնել անգործնէութեան մատնւած հոգաբարձական մարմինն և դպրոցի վարչական գործը աւելի արդիւնաւոր ճանապարհի վրայ դնել:

Առևտրական դպրոցի վերատեսուչ պ. Ա. Սարգիսեանը քննելով այդ խնդիրը ուսուցչական ժողովում մարտի 13-ին 1909 թ. յայտնում է խնդրատուներին, թէ գիւղատնտեսական ուսմունքը Ալէքսանդրապոլի Առևտրական դպրոցում ցանկալի է և օգտակար և կարելի է սովորեցնել միմիայն ամառնային արձակուրդների ժամանակ և այն էլ ցանկացող աշակերտներին, — եթէ քաղաքային վարչութիւնը նիւթական միջոց տայ կազմակերպելու գործը և հրաւիրէ մասնագէտներ: Իսկ ծնողական խորհուրդ հաստատելու համար պ. վերատեսուչը դիմել է Կովկասի ուսումնարանական շրջանի հոգաբարձութեանը, որից ստացած պատասխանը այն է եղել, թէ Առևտրական դպրոցի հոգաբարձութիւնը լիապէս փոխարինում է ծնողական խորհրդին, ունենալով և կատարելով միևնոյն իրաւունքներն ու պարտականութիւնները:

Սակայն մեր Առևտրական դպրոցի հոգաբարձութիւնը, որը կոչւած է ընդարձակ իրաւունքներով պաշտպանելու և զօրացնելու աշակերտութեան և դպրոցի շահերը, այդ պաշտօնական մարմինը անցեալ քառամեակի մէջ, ինչպէս պարզեց քաղաքային խորհրդի 1910 թ. մարտի 16-ի նիստում, զբաղւած է եղել աւելի շատ դատարկ վիճաբանութիւններ կա-

տարելով քաղաքային վարչութեան հետ, քան թէ դպրոցի էական շահերի պաշտպանութեան նախանձախնդրութիւն ցոյց տալով և զարմանալի չէ, որ բուրովին ուշադրութեան էլ չէ առել վերատեսչի 1910 թ. մարտի 17-ի առաջարկած հարցը, գիւղատնտեսական ուսման անհրաժեշտութեան մասին, անտարբերութեամբ անհամարհելով նոյն իսկ բազմաթիւ ծնողների խնդիրը:

Քանի որ այժմ Ալեքսանդրապոլի Առևտրական դպրոցի կանոնադրութեան վերաքննութեան հարցը հրապարակ է դրւած, և քաղաքային խորհուրդը իր 1910 թ. մարտի 30-ի նիստում միաձայն որոշել է հիմնովին վերաքննութեան ենթարկել այդ դպրոցի կրթական և տնտեսական կեանքը,--մեր կողմից ցանկալի ենք համարում նորից արծարծել գիւղատնտեսական գիտութիւնների ներմուծման հարցը Ալեքսանդրապոլի Առևտրական դպրոցում, յուսալով, որ այդ հարցը վերջապէս հետաքրքրութեան առարկայ պէտք է լինի թէ մեր քաղաքային վարչութեան և թէ բոլոր քաղաքի և զաւառի հասարակութեան համար:

II

Ալեքսանդրապոլում Առևտրական դպրոց հիմնելու պատմութիւնը շատ պարզ է և ծանօթ շատերին: Մենք համառօտակի պէտք է յիշենք այդ դպրոցի բացման մի քանի հիմնական գլխաւոր պատճառները միայն, որպէսզի ընթերցողը գաղափար ունենայ Ալեքսանդրապոլում Առևտրական դպրոց հիմնելու էական շարժառիթների հետ: Դեռ ևս 1860 թ. Ալեք-

սանդրապոլում մի միջնակարգ արական դպրոց ունենալու խնդիրը արծարծուած էր քաղաքիս հարուստ և ազնւական դասի մէջ և գլխաւորապէս այն պատճառով, որ այդ դասակարգը, որի ձեռքին էր նաև քաղաքի տնտեսական կառավարութեան գործը, պահանջ ունէր մի միջնակարգ դպրոցի գոյութեան, որովհետև այդ դասակարգի որդիքը ստիպւած էին շարունակաբար կրթութեան գնալ Թիֆլիս, Մոսկւա, Ս.-Պետերբուրգ և այլ տեղեր, որը աւելի նիւթական հաշի կողմից, ներկայացնում էր մեծ անյարմարութիւն: Իսկ Ալեքսանդրապոլի միջին կարողութեան տէր դասակարգը, այն է՝ մանր վաճառականութիւնը, արհեստաւորութիւնը և այլն, բաւականանում էին զաւառական դպրոցի և ծխական ուսումնարանների գասընթացով և այնքան էլ չէին հետաքրքրւում մի նոր միջնակարգ դպրոցի գոյութեան հարցով: Քաղաքի հարուստ դասի ձեռքով հաւաքւած էր մօտ 18,340 ը. մի յատուկ դրամագլուխ և ցանկութիւն կար այդ դրամագլուխը շատացնելուց յետոյ, բանալ ըէալական դպրոց, բայց յաջողութիւնը տարակուսելի էր, որովհետև միջին դասակարգը գործնականապէս չէր մասնակցում նւիրաբերութեան գործին, համարելով ըէալական դպրոցի ուղղութիւնը ոչ այնքան ցանկալի քաղաքի ազգաբնակչութեան մեծամասնութեան համար: Եւ որովհետև հաւաքւած դրամագլուխը չէր կարելի այնքան շատացնել, որ լիապէս բաւարարութիւն տար ըէալական դպրոցի շինութեան ու պահպանութեանը, Ալեքսանդրապոլի նորընտիր քաղաքագլուխ պ. Գեղամ Տէր-Պետրոսեանը մտածում է օգուտ քաղել ժամանակաւոր դէպքից և Ս. Փրկչի եկեղեցական շէնքը, որ այդ ժամանակ զրաւած էր կառավարութեան կողմից, երկու

յարկանի դարձնելով յատկացնել ընտանիքի զարգացման:

Բարերարատար Երևանի Նահանգապետ պ. Կոմս Տիգրանգառնի Երևանի հեռատես և շրջանայեաց է լինում այդ հարցի մէջ և իր կողմից ի 23-ն փետրուարի 1900 թ. հարց է տալիս քաղաքային վարչութեան, թէ ի՞նչ վիճակի մէջ պէտք է լինեն Ս. Փրկչի դպրոցի 300-ից աւելի աշակերտները, եթէ այդ դպրոցի շէնքը յատկացւի ընտանիքի զարգացման: Քաղաքապետն պ. Գեղ. Տէր-Պետրոսեանը առանց շրջանայեաց մտածելու, իր 26-ն փետրուարի 1900 թ. № 44 գրութեամբ պատասխանում է, թէ կարելի է իսպառ փակել Ս. Փրկչի դպրոցը և աշակերտներին տեղափոխել Ս. Նշան եկեղեցու դպրոցում կամ ընդունել նորաբաց ընտանիքի դպրոցը, որին համաձայն չէ լինում յարգելի պ. Նահանգապետը, չկամենալով զո՞նք բերել քաղաքի ստորին դասի աշակերտութեան շահը, մի քանի հարուստների ցանկութեանը:

Այնուհետև Ալեքսանդրապոլ քաղաքում մի միջնակարգ արական դպրոց բանալու խնդիրը անցնում է զանազան պաշտօնական գրադրութիւնների, մեծ ու փոքր հաշիւների և ղեկուցումների մէջ: Երևանի Նահանգապետը իր 8-ն մարտի 1900 թ. № 764 գրութեամբ վերջնականապէս անկարելի համարելով ձեռք տալ հայոց եկեղեցական կալուածների իրաւունքին, առաջարկում է քաղաքային վարչութեանը գրասենյակը տալ հայոց եկեղեցական կալուածների իրաւունքին, առաջարկում է քաղաքային վարչութեանը գրասենյակը տալ հայոց եկեղեցական կալուածների իրաւունքին, առաջարկում է քաղաքային վարչութեանը գրասենյակը տալ հայոց եկեղեցական կալուածների իրաւունքին, առաջարկում է քաղաքային վարչութեանը գրասենյակը տալ հայոց եկեղեցական կալուածների իրաւունքին:

յարմար շէնք, իսկ կառավարութեան կողմից միանալով պահանջում է 9000 ռ. դպրոցական շէնքի համար և տարեկան 14160 ռ. օժանդակութեան հաստատուն երաշխաւորութիւն, իսկ քաղաքային վարչութիւնը ի նկատի ունենալով իր տնտեսական սուղ դրութիւնը, անկարելի է համարում այդ բանը և նորից դիմում է կառավարութեան՝ իր վրայ առնել ընտանիքի զարգացման ծախսը, համարելով այդ կրթական գործը բնականաբար պետական պարտաւորութիւն:

Այնուհետև կառավարութիւնը չկամենալով իր վրայ առնել Ալեքսանդրապոլում ընտանիքի զարգացման հիմնելու ծախսը, մտածում է այդ հարցը կապել Ղարս քաղաքում բացելիք միջնակարգ դպրոցի հետ, սպա ծրագիր է պատրաստում շրջակայ գաւառների օժանդակութեամբ գլուխ բերել այդ գործը, որով խնդիրը աւելի ևս բարդելով, անկարելի է դառնում ընտանիքի զարգացման բացումը:

Երբ 1896 թ. ապրիլի 15-ին հրատարակեց անտրական նորագոյն տիպի դպրոցներ բանալու մասին եղած օրէնքները և այդպիսի դպրոցներ հետզհետէ բացում էին զանազան տեղեր, ալեքսանդրապոլցիների մի մասն էլ, աւելի շատ վաճառական դասը, հետամուտ էր այդ տիպի դպրոցի բացման, գտնելով այդ տեսակի դպրոցը աւելի օգտակար և մատչելի տեղական ժողովրդին: Այդ միտքը արժարժելով Ալեքսանդրապոլում հետաքրքրութեան առարկայ է դարձել նաև Թիֆլիս և այլ կենտրոնավայրեր, որտեղ որ կային ալեքսանդրապոլցի վաճառականներ, և որոնք աշխատում էին իրականացնել այդ տեսակի մի միջնակարգ դպրոց ունենալու հարցը:

Թիֆլիսի վաճառական պ. Գր. Բայենդուրեանը, որը անցեալ Ռուս-թուրքական պատերազմի ժամա-

նակ և յետոյ էլ անևտրական ընդարձակ կապեր ունէր Ալէքսանդրապօլի հետ և ահագին օգուտներ էր ստացել, — կամենալով մի որևէ երախտագիտութիւն ցոյց տալ ալէքսանդրապօլցիներին և համակրելով անևտրական դպրոց հիմնելու մտքին, ցանկութիւն է յայննում օգնել Ալէքսանդրապօլին տարեկան 2000 ռ. նպաստով, եթէ ալէքսանդրապօլցիները ցանկութիւն ունենան բանալ միմիայն անևտրական դպրոց:

Այդ բարեմիտ նախաձեռնութեան գործը իհարկէ համակրանքով ընդունեց Ալէքսանդրապօլի կողմից և ապագայում էլ աւելի մեծ ակնկալութիւններ յոյսերով ոգևորած, քաղաքային վարչութիւնը ձեռք առաւ մի յատուկ մասնաժողովի ձեռքով պատրաստել ծրագիր և կանոնադրութիւն, որը հաւանութիւն գտաւ նոյեմբերի 8-ին 1901 թ. քաղաքային խորհրդի կողմից և Երևանի պ. Նահանգապետի ձեռքով առաջարկեցաւ ի հաստատութիւն:

Բարձրագոյն իշխանութեան կողմից ոչ մի արգելքի չհանդիպելով այդ տեսակ դպրոցի բացման խնդիրը, յունւարի 28-ին 1902 թ. արդէն հաստատւած էր կանոնադրութիւնը, իսկ հանդիսաւոր բացումը Ալէքսանդրապօլում տեղի ունեցաւ մեծամեծ ձառերի և անսահման ակնկալութիւնների հետ միասին, նոյն թւականի սեպտեմբերի 22-ին:

Այդպիսով Ալէքսանդրապօլի հասարակութիւնը հասաւ իր ի վազուց հետէ ունեցած ցանկութեանը — այն է՝ ինչ գնով և ինչ ուղղութեամբ էլ որ լինի, ունենալ մի միջնակարգ արական դպրոց և ազատել իր որդիքը օտար քաղաքներից:

Ալէքսանդրապօլի Անևտրական դպրոցը 1908 թ. արդէն բոլորել է իր դասարանները. այժմ նա ունի երեք նախապատրաստական, հինգ ընդհանուր կրթական և երեք մասնագիտական դասարաններ: Դպրոցը արդէն տեւել է մի քանի դաս դպրոցաւարտներ և այդ իսկ պատճառով նրա արժանաւորութիւնը, դրական կամ բացասական կողմերը այժմ դրւած է հասարակութեան լուրջ ուշադրութեան և հետաքրքրութեան առաջ:

Բայց ցաւալի է ասել, որ Անևտրական դպրոցի վարչութիւնը մինչև այսօր էլ հարկաւորապէս ուշադրութեան չէ առել հրատարակելու այդ դպրոցի բոլոր տարեկան հաշիւները և ընդհանուր տեղեկագիրը, որպէսզի զոնէ այդ հաշիւների միջոցով հասարակութիւնը հնարաւորութիւն ունենայ ծանօթանալու դպրոցի ներքին կեանքին և առաջադիմութեան հետ: Եւ հետաքրքրական ցանկութիւն ունեցայ ունենալ բոլոր տարեկան հաշիւները և այդ նպատակով զբաււոր զիմեցի պարոն վերատեսչին, բայց դժբախտաբար ստացայ միմիայն առաջի տարիների հաշիւները, այն է՝ մինչև 1907 թ. դպրոցական շրջանը: Այդ մի քանի տարւայ հաշիւներն էլ, որոնք կազմւած են շատ անփոյթ և համառօտ կերպով, չեն տարածւել ժողովրդի մէջ և հետևապէս, մնացել են առանց հետաքրքրութեան: Տեղական մամուլն էլ, ցաւ է խոստովանել, որ իսպառ անծանօթ է մնացել Անևտրական դպրոցի ներքին կեանքին և մտաւոր առաջադիմութեան հետ, գուցէ համարելով այդպիսի քննա-

դատութիւնը և լուրջ տեսութիւնը իր նպատակից դուրս: Մեր ձեռքի տակ եղած տարեկան հաշիւներէ մէջ միայն 1906—7 թւականի հաշիւն է փոքր ի շատէ լրացրած մի տեղեկատու, որը պարունակում է իր մէջ նաև համառօտ տեղեկութիւններ դպրոցի պատմական, մանկավարժական և տնտեսական հարցերի մասին, որից և քաղում ենք գործիս մէջ եղած մի քանի կարևոր թւանշաններ և այլ պաշտօնական տեղեկութիւններ, առանց քննելու իհարկէ ինքը տարեկան հաշիւը: Անհրաժեշտօրէն ցանկալի է, որ գոնէ այժմ, դպրոցի առաջիկայ տասնամեակի առթիւ (1912 թ.) վարչութիւնը հոգս տանէր հրապարակելու դպրոցի տասնամեայ հաշիւը, որպէս լրակատար տեղեկագիր, որից հասարակութիւնը կարող լինէր հասկանալ, թէ ի՞նչ է իսկապէս Ալեքսանդրապօլի Առևտրական դպրոցը, այդ դպրոցի ներքին, մտաւոր և բարոյական կեանքը, սրբան պիտանի և համապատասխան է այդ դպրոցը իր կոչման և նշանակութեան կողմից, ի՞նչ շօշափելի արդիւնք է տւել կամ կարող է տալ նա հասարակութեանը և արդարացնել ժողովրդի յոյսերը և ակնկալութիւնները: Առ այժմ հրապարակի վրայ եղած տեղեկութիւններն ու փաստերը, ցաւ է ասել, որ այնքան էլ մխիթարական չեն:

Քաղաքիս նորընտիր իրաւասունները, մարտի 16-ի 1910 թ. նիստում լսեցին մի այնպիսի տխուր և ցաւալի զեկուցում այդ դպրոցի ներքին կեանքի և վարչութեան մասին, որից կարելի է սարսափել միայն*)... Պարզեց, որ անցեալ քառամեակի մէջ,

*) Ցանկալի է, որ այդ զեկուցումը ամբողջապէս հրատարակի հասարակութեան խաւերի հետաքրքրութեանը դոհացում տալու համար:

քաղաքային վարչութիւնը և Առևտրական դպրոցի հոգաբարձութիւնը դուրս գալով համերաշխութեան գաղափարից, զինւած են եղել միմեանց դէմ իրաւունքի յափշտակութեան, հաշւետութիւնից խուսափելու և դպրոցական այլ և այլ միջոցների անկօնորօյ և աննպատակ ծախսերի մէջ կոխ մղելու գործի մէջ, որից սաստկապէս փաստել է նոյն իսկ մանկավարժական-կրթական գործը...

Առևտրական դպրոցի հոգաբարձութիւնը և վարչութիւնը մերժել են հաշիւ ներկայացնել քաղաքի վարչութեանը դպրոցի տնտեսական կեանքի մասին, ժխտել են քաղաքային խորհրդի իրաւունքը թէ զբարոցի նախահաշիւը կազմելու և թէ նրա գործունէութիւնը քննելու գործի մէջ: Կատարել են այնպիսի միմեանց հակասող ծախսեր, որոնց զուամարը քաղաքային վարչութեան հաշւով պէտք է լինի 25000 ռ., իսկ դպրոցի վարչութիւնը ցոյց է տալիս 15000 ռ. և բացի դրանից դպրոցական պիտոյքներ գնելու համար բաց թողած փողերը գործ են դրել ուսուցիչների ուժեղների վրայ և այլ աւելի պակասաւոր գործեր: Առևտրական դպրոցի ներքին «քաօսային» դրութիւնը իր ցաւալի և ծանր ճեւեանքներով պարզեց առաւելապէս մարտի 20-ին տեղի ունեցած քաղաքային խորհրդի նիստում, որտեղ դպրոցի հոգաբարձութեան կողմից առաջարկւած մի քանի պահանջներ, նոր ծախսերի համար և այլ մի քանի հարցեր, իրաւասունների կողմից միաձայն մերժումի հանդիպեց և որտեղ իրաւասունները անհրաժեշտօրէն ընդունեցին Առևտրական դպրոցի կանոնադրութեան վերաքննութեան լուրջ խնդիրը: Քաղաքային խորհրդի այդ քայլը համազօր էր անվստահութեան դէպի Առևտրական դպրոցի հոգաբարձութիւնը և ու-

սուցչական կազմը, որը իհարկէ, տնադին հարւած էր դպրոցի բարոյական և տնտեսական դրութեան վերաբերմամբ: Իսկ նախկին հոգաբարձու պ. Գ. Ստեփանեանը կամենալով պաշտպանել Առևտրական դպրոցի վարկը, հրապարակով մեղադրում է Ալէքսանդրապօլի քաղաքային վարչութեանը և գտնում է նրա կարգադրութիւնները «ճակատագրական աւերումն» այդ դպրոցի համար*): Բողոքում է, որ դրպրոցը զրկւած է իր շէնքից և ենթակայ է քաղաքագլխի կապրիզին, և թէ քաղաքային վարչութիւնը չափազանց բարբարոս կերպով է վարւել դպրոցի և նրանում դաստիարակող մատաղ սերնդի հետ, որով ստեղծւել է մի ճիւղային որոգայթ և այլ աւելի անվայել խօսքեր և ակնարկութիւններ, որոնք բոլորը միասին ցոյց են տալիս, որ դպրոցի վարչական ուղղութեան մէջ, արդարև բացակայում է կարգը, արդարութիւնը և հասարակական շահի գիտակցութիւնը, որ Առևտրական դպրոցի ներքին կեանքը ինչպէս բացատրեց նախկին քաղաքագլուխ պ. Յ. Տիրանեանը, գտնւում է իսկապէս «քաօսային» դրութեան մէջ... Այդ չափազանց տխուր փաստերը արդէն հաստատում են, որ Ալէքսանդրապօլի Առևտրական դպրոցում տեղի ունեցած աշակերտական յուզմունքները առանց արատմտի չեն, հասարակութեան մէջ եղած կասկածները մի որոշ չափով ունեն իրանց հիմնաւոր պատճառները և արդէն կուտակւել են այնպիսի տնտեսական-բարոյական խնդիրներ, որոնք դուցէ մօտիկ ապագայում հանդիսանան հզօր արգելադիրներ դպրոցի խաղաղ առաջադիմութեան, և դուցէ նոյն իսկ նրա գոյութեան համար:

Թէև 1908 թվականից արդէն բարձրացել է Ա-

*) «Մուրհանգակ» № 13, 1910 թ.

լէքսանդրապօլի Առևտրական դպրոցի կանոնադրութեան վերաքննութեան հարցը և այդ դպրոցի տնտեսական-կրթական և վարչական մասերի ուղղութեան խնդիրը, սակայն մինչև այսօր էլ մնացել է միմիայն լուկ որոշումներ: Մեծապէս յոյս ունենք, որ մարտի 16-ի քաղաքային խորհրդի միաձայն որոշումը պէտք է անհրաժեշտօրէն ընթացք տայ և շտապեցնէ այդ ցանկալի գործը, առ այժմ մեզ համար վերին աստիճանի ցանկալի է, որ դպրոցի կանոնադրութեան վերաքննութեան ժամանակ ի նկատի առնւած լինի, որ—

Ա. Ալէքսանդրապօլի Առևտրական դպրոցը լինի իսկապէս քաղաքային կրթական հաստատութիւն.

Բ. Որ դպրոցի ընդհանուր կրթական վիճակը և ուղղութիւնը աւելի օգտակար և մատչելի դառնայ քաղաքի և գաւառի մեծամասնութեան համար:

Գ. Որ Առևտրական դպրոցը անհրաժեշտօրէն վերածւի գիւղատնտեսական միջնակարգ դպրոցի կամ այդ դպրոցում ներմուծւի գիւղատնտեսական դիտութիւնները, տեղային պայմանների համեմատ:

Դ. Որ Առևտրական դպրոցի ուսուցիչների ոտճիկները և ուսման վճարը ենթարկւած լինի քաղաքային խորհրդի և հոգաբարձութեան որոշմանը և արգարակչու ժողովրդի վճարողական կարողութեանը:

Ե. Որ հարկաւորապէս սահման դրէր ուսուցիչների անհաշիւ բացակայութիւններին, ենթարկելով այդ գործը քաղաքային խորհրդի կամ ծնողական մարմնի հսկողութեանը:

Զ. Որ օրինական ճանապարհով արգելք դրէր հարուստ ուսուցիչների որդոցը և այլ քաղաքացիներին օգուելու ձրիավարժութեան իրաւունքից:


Ահա այդ մի քանի յոյժ կարևոր հարցերն են,

որ մեր կարծիքով պէտք է լուրջ խորհրդածութեան առարկայ դառնան դպրոցի կանոնադրութիւնը և ծրարագիրը վերաքննող մասնաժողովի կողմից, որովհետև հաստատ համոզւած ենք, որ այդ հարցերի լուսաբանութեամբ և ի կատար իրագործութեան մէջ միայն կարելի է տեսնել մեր Առևտրական դպրոցի յարատև ներքին խաղաղութիւնը: Միւս կողմից ցանկալի է, որ մեր քաղաքային գործերի ղեկավարները և հասարակական գործիչները ի նկատի ունենան այն միջավայրի և շրջանի անտեսական դրութիւնը, որտեղ հաստատւած է մեր Առևտրական դպրոցը, որովհետև անվիճելի է, որ դպրոցը, որպէս քաղաքային կրթական հաստատութիւն, կարող է գոյութիւն ունենալ միմիայն տեղային ժողովրդի բարոյական և նիւթական գոհաբերութիւնից, այդ իսկ պատճառով մեր կողմից աւելորդ չենք համարում նախքան Առևտրական դպրոցի ներքին կեանքի մասին խօսելը, — մի քանի խօսքով բացատրել Ալէքսանդրապոլ քաղաքի և գաւառի ներկայ անտեսական վիճակը, որի լուսաբանութիւնը ինքնըստինքեան կարող է առաջ բերել և լուծել նաև այն հարցը, թէ մեր քաղաքը և գաւառը ինչպիսի միջնակարգ դպրոցի պէտք ունի և թէ ինչ բարեփոխութիւն կարելի է մտցնել մեր Առևտրական դպրոցում, որպէսզի այդ մեր գաւառի միակ միջնակարգ դպրոցը կարող լինի ծառայել ժողովրդի մեծամասնութեան և գաւառի էական շահերին:

Մինչև վերջին Ռուս-թուրքական պատերազմը (1878 թ.) Ալէքսանդրապոլ քաղաքի և գաւառի անտեսական դրութիւնը, պէտք է խոստովանել, որ գանոււմ էր բաւարար դրութեան մէջ: Գաւառի նորագաղթ ժողովուրդը (1830 թ.), որը բաղկացած էր զլխաւորապէս երկրագործ և անասնապահ դասից, տիրում էր բաւականաչափ ընդարձակ և ուժեղ հողաբաժինների: Երկրագործութիւնը թէև նախապեսական դրութեան մէջ, բայց միացած անասնաբուծութեան հետ, լիակատար կերպով ապահովում էր աշխատանքը, ինչպէս և սակաւապէս ժողովրդի անտեսական կեանքը: Գիւղական ընտանիքը սուղջ և ամուր ամբողջութեան մէջ, իր ձեռքի աշխատանքով ձեռք էր բերում բոլոր կենսական միջոցները, շատ քիչ կարիք ունենալով պատրաստի առ ձեռն գրամի հետ: Շոպյուութիւնը և ղեղխութիւնը շատ քիչ էր տարածւած զիւղերում:

Ալէքսանդրապոլի գաւառը, պատմական Շիրակի մի մասը, իր լիք ամբարներից շարունակ արտահանում էր դէպի շրջակայ գաւառները և Գովկասի գանազան տեղեր հացաբոյսերի անագին պաշար: Չենք բերած դրամի շնորհիւ Ալէքսանդրապոլի վաճառականութիւնը և արհեստը կենդանութեան մէջ էր և անտեսական առաջադիմութեան հետ շէնացնում էին նաև նորաշէն քաղաքը: Պետական և տեղական հարկերի չափը գեո ևս անյարմար ճնշող չէր, բնութեան պատահարները՝ երկրաշտովութիւնը, սրտահարութիւնը և այլ անյաշող պատահարները չէին կարող խալառ ընկճել աշխատաւոր դասի անտեսական կեանքը, ո-

1007
31914



րովհետև հողի պտղաբերութիւնը աւելի շատ էր, քան սպառման քանակութիւնը: Աղքատութիւնը իր սպանիչ և մաշող հետևանքներով անծանօթ էր գաւառին. երկրի տնտեսական կեանքը առաջադիմութեան մէջ էր, կապած շրջակայ գաւառների տուր և առի հետ:

Այդպիսի տնտեսական և քաղաքական ապահովութեան պատճառով, Ալէքսանդրապօլը շարունակ ինքն էր քաշում շրջակայ գաւառներէից, Պարսկաստանից և Թուրքիայից նորանոր գաղթականների անազին խմբեր, որոնք բազմացնում էին թէ տեղային ազգաբնակչութիւնը և թէ պատճառ էին գառնում քաղաքի ու գաւառի տնտեսական բարգաւաճմանը: Եւ Ալէքսանդրապօլ քաղաքը կենտրոնացնելով իր մէջ գաւառի տնտեսական ոյժը, հետզհետէ առաջադիմում էր թէ վաճառաշահութեան և թէ արհեստների արտահանութեան մէջ, ապահով տնտեսութեան հոշակ ունենալով, ոչ միայն Անդրկովկասի, այլ և Ռուսաստանի և դրացի օտար երկրների մէջ: Պետական տնտեսական ձեռնարկութիւնները, բերդերի, ամրոցների և զօրանոցների կառուցման գործը, միացած քաղաքի շինարարական գործի հետ, տալիս էին անազին աշխատանք թէ քաղաքին և թէ գաւառին:

Մասնաւորապէս յաջող դրութեան մէջ էր քաղաքի արհեստաւորութիւնը, որը բացի գաւառի պէտքից իր արհեստի արտադրութիւնը տարածում էր դէպի շրջակայ գաւառները և ազատ էր գործարանական մրցութիւնից: Տեղական արհեստաւորութեան վիճակը դրած էր լուրջ հիմունքների վրայ (ամնաւ), որը իր կողմից շէնացնում էր տեղային առևտրական շուկան: Տնտեսական այդ բարեյաջող դրութեանը վկայ են Ալէքսանդրապօլ քաղաքի և գաւառի շուտա-

փոյթ մեծանալը ամենակարճ ժամանակի մէջ, մեծածախս հասարակական-կրթական շէնքերի առաջ գալը, որն ամենայն իրաւամբ առաջնակարգ տեղ էր բռնել Անդրկովկասի մնացած աւելի հնագոյն գաւառաքաղաքների մէջ: Եւ Ալէքսանդրապօլի գաւառը կարող էր պարծենալ իր բազմաթիւ հարուստ ընտանիքների թւով, գործունեայ ու ընդարձակ վաճառականների ու արհեստաւորների շատութեամբ, որը ըստ ամենայնի, օրինակելի և նախանձելի էր շրջակայ գաւառների համար:

Բայց դժբախտաբար այդ տնտեսական բարեյաջող դրութիւնը երկար ժամանակ տևողութիւն չկարողացաւ ունենալ և այն, ինչպէս պէտք է պարզենք, աւելի բնական և քաղաքական հզօրագոյն պատճառների շնորհիւ, որին չէր կարող դիմադրել նորագաղթ ժողովուրդը, որը լինելով զանազան երկրների գաղթականութեան արդիւնք, դեռ ևս չէր ձուլւել և հասունացել մի որոշ քաղաքացիական տնտեսութեան մէջ:

V

Մինչև 1880 թ. այն է՝ մօտ յիսուն տարւայ ընթացքում, Ալէքսանդրապօլ քաղաքի և գաւառի ժողովուրդը արդէն կրկնապատկւել էր, իսկ հողի տարածութիւնը մնացել էր նոյնը: Երկրի ընդհանուր տնտեսական կեանքը մտել էր մի նոր, աւելի ծանր պայմանների ազդեցութեան ներքոյ:

Գաւառի արդիւնաբերութիւնը և սպառումը մրցում էին միմեանց դէմ և յաղթութիւնը թեքւում էր դէպի անապահովութեան կողմը:

Վերջին Բուս-թուրքական պատերազմը, որպէս քաղաքական և անտեսական սոսկալի փոթորիկ, եկաւ հիմնովին քանդելու գաւառի անտեսական գրութիւնը: Պատերազմի կարճ, խաբուսիկ, ժամանակաւոր և անհաստատ յաջողութիւնը, թէև մի առժամանակ ծածկեց անտեսական-հասարակական խոցերը, բայց արտակարգ ցնցումներով, հիմնովին փոխեց ժողովրդի ասրելու եղանակը և պատճառներ ստեղծեց սոցիալ և անհեռատես ժողովրդին անգիտակցաբար բռնելու շռայլութեան և վատնումի սխտեմը: Այդ ժամանակից սկսած հետզհետէ եռապատիկ բարձրացան կենսական պիտոյքների գները, հարկերի, քրէհների և այլ ծախսերի չափը և դժբախտաբար մնացին անփոփոխ:

Իսկ երբ պատերազմական գործողութիւնների վերջաւորութեան հետ հետևապէս պակասեց մուտքերի աղբիւրները, երբ անցաւ անտեսական խելագարութեան շրջանը և կեանքը մտաւ իր բնական անտեսական ընթացքի մէջ, դառն իրականութիւնը միայն այդ ժամանակ բացեց գաւառի հասարակական և անտեսական վերքերը, որի մեծութիւնը և խորութիւնը արդարև գարնուրելի է իր կործանիչ հետեւանքով... Եւ իսկապէս ի՞նչ է ներկայացնում այժմ՝ Ալէքսանդրապոլի և գաւառի անտեսական վիճակը, որը մի առժամանակ ուժեղ կերպով բարձրացել էր անտեսական ապահովութեան մէջ և բնականապէս հանդիպելով աննպաստ պայմանների ընկել է: Եւ ահա մօտ երեսուն տարի է, որ շարունակ ընթանում է դէպի անտեսական աւերումն: Այդ հարցը անտեսական մի լուրջ խորհրդածութեան խնդիր է, որը երբէք չէ կարելի անտես առնել, երբ մենք կամենում ենք խորհրդածութիւն անել գաւառի անտեսական-կրթական ընդհանուր հարցերի վրայ: Երբ մենք կամենում

ենք ապահովութեան մէջ տեսնել մեր գաւառի միակ միջնակարգ դպրոցի սպազայ վիճակը:

Ալէքսանդրապոլի գաւառը այժմ գրեած է տրնտեսական անխուսափելի կործանման առաջ: Ազգաբնակչութիւնը ութսունամեայ ընթացքի մէջ արդէն եռապատկել է, իսկ հողային չափը և մշակումը մընացել է միևնոյնը: Վերջնագոյն տեղեկութիւնների և վիճակագրութիւնների հիման վրայ*) գաւառը ունի 19793 ծուխ, 174690 հոգի ազգաբնակչութեամբ, իսկ քաղաքը հետը մօտ 200,000 հոգի ժողովուրդ: Գաւառի գիւղացիութեան հողատիրութիւնը համայնական է, որ արգելք է հանգիստնում անտեսական նախաձեռնութեան գործին: Չափազանց քիչ հողաբաժինը անկարելի են դարձնում ընդարձակելու արդիւնաբերական ոյժերը: Գիւղական ամեն մի ընտանիք հազիւ է տիրում 12,²⁸ ամեն տեսակ հողաբաժինի, որից դուրս գալած լեռնային բարձրավանդակ տեղերը, սարերը, ձորերը և քարքարոտ բաժինները, որոնք բոլորովին անպէտք են հրկրագործութեան համար, մնում է պիտանի հողաբաժիններ ամեն մի ընտանիքին 6,³¹ դեսեատին կամ մի հոգուն, արական և իգական 0,71 դեսեատին տեղ: Այդպիսի չափազանց քիչ և աղքատ հողաբաժինն էլ անդադար հերկելուց յետոյ արդէն ուժասպառ է դառել. հողի միջին պաղարբերութիւնը հազիւ թէ վարձատրում է մշակ դասի լոկ աշխատութիւնը: Գաւառի ջրազուրկ վիճակը, արհեստական ոռոգման բացակայութիւնը, յաճախակի տեղի ունեցող երաշտներն ու ցրտահարութիւնները, հողի մշակման նախնական եղանակը, հացահատիկների անփոփոխ տեսակները և արհեստա-

*) Б. С. Версаладзе—Краткий обзоръ Александропольскаго податн. участка, Александрополь, 1910 г.

կան պարարտացման չգոյութիւնը իսպառ անօգուտ են գարձուով երկրագործական աշխատութիւնը, որը ենթակայ է նաև ահազին և սոսկալի հարկերի ծանրութեան ներքոյ: Գաւառի բոլոր պետական և հողային հարկերն են 277108 ը., որ ամեն մի ընտանիքին ընկնում է բաժին 14 ըուբլի: Այդ թիւը գուցէ քիչ երևայ ընթերցողի համար, բայց ի նկատի առած աշխատանքի բացակայութիւնը և տեղային ժողովրդի աղքատութեան չափը պէտք է ամենաձանր և բարձր համարել:

Երկրագործութեան այդ անյաջող գրութեան հետ կապւած է անշուշտ անասնապահութեան ամենախեղճ վիճակը: Ամբողջ գաւառի մէջ հաշուով է 136000 եղջիւրաւոր կենդանիներ ամեն տեսակից, և մօտ 200,000 մանր կենդանիներ. այդ թիւը բաժանած ընտանիքի վրայ, գալիս է 7 եղջիւրաւոր և 10 մանր կենդանիներ: Բայց խնդիրը քանակութեան մասին չէ, այլ յատկութեան և պիտանաւորութեան տեսակէտից է: Ալէքսանդրապոլի անասունների տեսակները և ցեղը ամենախեղճ տեսակից են, որոնք յայտնի են իրանց մանրութեան, անուժութեան և էժանութեան կողմից: Ուտեստքի և անասնաբուծութեան խղճալի վիճակը դարձրել է անասունների ցեղը ամենաստոր տեսակը: Աղքատ գիւղացիութիւնը հնարաւորութիւն չունի ազնւացնել անասունների ցեղը և հանգստութեան ու պարարտութեան մէջ բարձրացնել նրա արժէքը: Անասնապահութեան բացակայութեան և այդ խղճալի գրութեան պատճառով բացակայում է նաև կաթնատնտեսութիւնը, որը հագիւ հազ բաւականութիւն է տալիս տեղային աղքատ պահանջին և արտահանութիւն չունի: Այդպիսի խղճալի գրութեան մէջ է թռչնապահութիւնը, մեղա-

բուծութիւնը և այլ գիւղատնտեսական ճիւղեր: Գաւառում գործարանական արդիւնաբերական և տնայնագործութեան բացակայութիւնը ստիպում է գիւղացիութեանը տարւայ երկու երրորդական մասը վատնել անգործութեան և ծուլութեան մէջ: Երկաթուղին խլեց գաւառի գիւղացիութեան աշխատանքից ոչ միայն քաղաքի և շրջակայ գաւառների համար ծանրութիւններ տեղափոխելու աշխատանքը, այլև կողքի աղահանքի տարեկան մօտ 2 միլիօն փութ աղի արտահանութեան գործը: Անգործութեան մատնւած գիւղացիութիւնը աղքատ սնունդի, վատ ապրուստի պատճառով ենթակայ է զանազան հիւանդութիւնների: Համաճարակ մահացումները քանդում են ժողովրդի առողջութիւնը և աճեցողութեան կարողութիւնը, որի դէմ կուելու համար խեղճ ժողովուրդը խաւար է և անգոր: Ամբողջ գաւառում կան 32 դպրոցներ միայն գիւղական դասի համար, որտեղ սովորում են 2,520 հոգի երկու սեռից. գաւառի մէջ բոլոր գրադէտների թիւն է 12804 հոգի: Ահա թէ որպիսի խաւարի մէջ է հեծում գաւառը, որի տգիտութեան շնորհիւ հանգէս են եկել հարիւրաւոր տղուկներ և կեղծ փաստաբաններ, որոնք շարունակ ստեղծում են կոիւններ, հաստատում են ժողովրդի մէջ ստոր հակումներ դէպի կռիւ, դէպի շարագործութիւն և լցնում են աղքատ ժողովրդին դատարանների դռները...

Եւ Ալէքսանդրապոլի գաւառը, որը սրանից քառասուն տարի առաջ հեշտութեամբ կերակրում էր բաց իր հարագատներից նաև շրջակայ գաւառները, այժմ այդ երբեմնի հացաշատ Եիրակ գաւառը սովալուկ գրութեան մէջ, սարսափելի գրկանքներով առնում է Ռուսաստանից բերւած ստոր տեսակի

ալիւրը և հետը գարի ու կարտօֆիլ խառնելով հաց է պատրաստում իրեն համար... Ինչո՞ւ: Որովհետև Շիրակի ամբարները այժմ գատարկ են, գոմերը պարաս, աները ու մարագները կիսաւէր գրութեան մէջ: Այժմ Ալէքսանդրապոլի գաւառի գիւղացուն կարելի է իսկոյն ճանաչել սօլդատի հին շինելի մէջ փաթաթուած, հազարաւոր կարկատանների մէջ պարուրած իր մերկութիւնը, կեղտի ու անմաքրութեան մէջ...

Գաւառիս գիւղացիութիւնը, որը հազարաւոր խնդրագրերով շատ անգամ դիմել է կառավարութեանը հողաբաժիններ ստանալու կամ տեղափոխելու ուրիշ հողաշատ գաւառներ և միշտ մերժուած ստացել. այդ գիւղացիութիւնը այժմ չունենալով առաջնորդներ եզած անտեսութիւնը բարելաւելու և քիչ հողից էլ բաւական անունը ստանալու համար ստիպւած է բռնել պանդխտութեան և գաղթականութեան կործանիչ ճանապարհը. այժմ Ալէքսանդրապոլի գաւառացիները լցւած են ոչ թէ միայն կովկասի և Ռուսաստանի բոլոր քաղաքները, հանքերն ու գործարանները և շարաշար աշխատանքի մէջ են, այլ և մի ահագին բազմութիւն էլ արդէն անցել են ցամաքներն ու ծովերը և հեռու, Ամերիկայի մէջ ապրուստ են որոնում... Ահա այդ է մեր գաւառի անտեսական գրութեան համառօտ պատկերը, որը հաստատու է բազմաթիւ պաշտօնական ուսումնասիրութիւններով*); լուսաբանւած է զանազան լրագրական տղեկութիւններով և թղթակցութուններով և որը չիտանելու կամ ծածկելու համար պէտք է լինել կամկոյր կամ կեղծոյ...

*) *См.* Экономическое положение Государств. крестьян Закавказск. края—С. Зелинский, Тиф. 1886 г.

Մօտը չկայ, որ գաւառի անտեսական այդ սուկալի դրութիւնը պէտք է հզօրապէս ներգործէ գաւառաքաղաքի անտեսական կարողութեան վրայ, որովհետև անվիճելի է, որ գաւառը միայն կարող է անուցանել քաղաքը, գաւառի բարեկեցութիւնը միայն կարող է բարձրացնել քաղաքի տուր և առը, արհեստի բարգաւաճումը և հետևապէս ընդհանուր գաւառի անտեսական ապահովութիւնը:

VI

Ալէքսանդրապոլ գաւառի անտեսական անյաշողութիւնը, ինչպէս նկատեցինք, հզօրապէս ներգործեց նաև քաղաքի անտեսական դրութեան վրայ, որի աւերիչ ազդեցութիւնը հետզհետէ և շարունակաբար դժուար է գտնուում քաղաքի տուր և առի, արհեստի և արդիւնաբերութեան վրայ:

Յիշենք նախ, որ վերջին պատերազմից անմիջապէս յետոյ, Ալէքսանդրապոլի վաճառականութեան համարեա կէսը ստիպւած եղաւ տեղափոխելու Ղարսի նահանգի զանազան կողմերը և կիսեց Ալէքսանդրապոլի դրամագլուխը տեղային առևտրի և արդիւնաբերութեան մէջ: Ղարսի նահանգում հաստատուած Ալէքսանդրապոլցի վաճառականները բնականապէս մրցակից հանդիսացան բնիկ քաղաքի հետ և նպաստաւոր դրութիւնից օգուտ քաղելով, կտրեցին այդ նահանգի տուր և առը Ալէքսանդրապոլի հետ: Պատերազմից յետոյ Ալէքսանդրապոլի բերդը կորցրեց իր նշանակութիւնը. կառավարութեան անազին ծախսերը չիտեսութիւնների վրայ, անցաւ Ղարս քաղաքը:

Երկաթուղիի բացումը, որը ճանապարհագուրկ

րեկան 20,000 ռ. մեծանում է շարունակ: Քաղաքային վարչութիւնը առանց քաղաքային խորհրդի գիտութեան և թոյլատուութեան արդէն ծախսել է մօտ 75,231 ռ. իր անձեռնմխելի և յատուկ գումարներից: Քաղաքը չի կարող այլևս կանոնաւոր ոտճիկ տալ իր ծառայողներին և յուսահատ կերպով ձեռք է առել քաղաքացիներին հարստահարելու գործը, այն է՝ եղած հարկերը և մուտքերը սոսկալի կերպով բարձրացնելով և բռնութեամբ հաւաքելով*): Նախկին քաղաքապետի պ. Տիգրանեանի առաջարկած 42000 ռ. փոխառութիւնը, ինչպէս նաև մի այլ մեծ փոխառութեան ծրագիր մօտ 812000 ռ. գումարով, սոսկալի ընդդիմութեան հանդիպեց քաղաքային իրաւասունների կողմից, որոնք չհասկանալով այսքան կարճ ժամանակի մէջ քաղաքը պարտքերի տակ ընկնելու գաղտնիքը և յոյս չունենալով ոչ մի նոր արբիւր գտնելու, վճռեցին վերաքննութեան ենթարկել քաղաքի բոլոր անտեսութիւնը և գործերը: Քաղաքացիների վերջին ծայր աղքատութեան մի պարզ օրինակն էլ այն է, որ 1904 թ. մինչև այսօր քաղաքացիների վրայ ապառիկներ է մնում 90,000 բուբլի մի կլորիկ գումար, որը հաւաքելու համար պէտք է ոտքի հանել բոլոր սանդարապետական դասը:

Ահա այդպիսի մի գաւառի և քաղաքի մէջ է հաստատուած Ալէքսանդրապօլի Առևտրական մեծանունը պրոցը, որը իր մեծադոսրդ անունով և նպատակով կարող է միայն գարմանք պատճառել օտար քաղաքացիներին:

Կարծում ենք, ինչպէս որ անբնական է Ալէքսանդրապօլի պէս ջրագուրի գաւառում բանալ նա-

*) Տես XIII գլուխը, որպէս մանրամասն բացատրութիւն:

ւակերպութեան դպրոց, այնպէս էլ անխորհուրդ է ունենալ մասնագիտական առևտրական դպրոց, մի այնպիսի գաւառաքաղաքում, որն ամեն կողմից անյարմար է վաճառաչի կենտրոնավայր լինելուց: Առևտրական դպրոցների գոյութիւնը Թիֆլիսի, Բագուի, Մոսկւայի, Օդեսսայի և Վարշաւայի նման քաղաքների համար արդարև մի ցանկալի անհրաժեշտութիւն է, մի էական պահանջ այնտեղի բազմաթիւ հարուստ առևտրական դասի համար, որոնց գործունէութիւնը, տուր և առը կապած է ամբողջ Ռուսաստանի և արտասահմանի հսկայական դրամագլուխների հետ:

Իսկ ներկայ Ալէքսանդրապօլը համեմատել այդ քաղաքների հետ, կարծում ենք, որ ամենաբիշը պարզամտութիւն կարելի է համարել: Ուրեմն ինչո՞վ բացատրել այն հիմնական պատճառը, որ ալէքսանդրապօլցիները ցանկութիւն են ունեցել բանալ մի Առևտրական դպրոց, որը անհարազատ է սեղային պայմաններին և դրւած է սխալ հաշիւների վրայ, ահա այդ հարցերի լուսաբանութեան խնդիրն է, որ կաշխատենք պարզել գործիս ընթացքի մէջ:

VII

Բացատրելու համար, որ Ալէքսանդրապօլում Առևտրական դպրոց բանալու հարցը դրւած է եղել սխալ հաշիւների և խախտւա հիմունքների վրայ պէտք է յիշենք, որ թէ դպրոցական մասնաժողովը (որի մի անդամն էլ ես էի), թէ քաղաքային խորհուրդը և թէ այդ գործի մէջ ջերմ մասնակցութիւն ունեցող նախկին քաղաքապետի պ. Գ. Տէր-Պետրոսեանը

առաջնորդած էին միմիայն մի բարի և բուռն ցանկութեամբ, այն է՝ ինչ գոհողութեամբ էլ որ լինի, անպատճառ ունենալ մի արական միջնակարգ դրպրոց, որի գոյութիւնը արդարև շատ կարևոր էր մեր քաղաքին: Իր տեղում պարզեցինք, որ կառավարութիւնը չէր կամենում բանալ ընդհանուր դպրոց Ալէքսանդրապօլում, այդ պատճառով անհրաժեշտութիւնը ստիպում էր ընտրել և համաձայնել մի այնպիսի դպրոցական հաստատութեան վրայ, որը թէ հեշտութեամբ կարող էր գլուխ գալ և թէ հնարատրութեան չափ աւելի գործնական օգտակարութիւն ունենար տեղական ժողովրդի պահանջին: Խօսք չկայ, որ պ. Գ. Բայենդուրեանի նւիրաբերութիւնն էլ շտապեցրեց Առևտրական դպրոցի խնդիրը և քաղաքացիները համոզւած էին թէ առանց մի կոպէկ ծախսելու էլ պէտք է ունենային այդ Առևտրական դպրոցը, ինչպէս պէտք է պարզենք իր տեղում:

Բայց արդարութիւնը պահանջում է խօսել, որ թէ դպրոցական մասնաժողովը իր նախագահով և թէ քաղաքային խորհուրդը ոչ մի լիակատար տեղեկութիւն և նոյն իսկ հասկացողութիւն չունէին Առևտրական դպրոցների տւած արգիւնքի մասին, որովհետև ինչպէս պարզեցինք, այդ տեսակ դպրոցների գոյութիւնը բոլորովին նոր էր թէ Ռուսաստանի և թէ մանաւանդ Կովկասի համար: Միայն մի ընդհանուր համոզում կար, որ բոլորում էր այդ տիպի դրպրոցների ծրագրից և տեղային կեանքին համապատասխան կանոնադրութիւնից, այդ այն էր, թէ առևտրական դպրոցները, որպէս աւելի նորագոյն և գործնական հիմունքների վրայ դրւած ինքնավար կրթական հիմնարկութիւն կարող էր տալ հասարակութեանը.—

Ա. Աշխատող, գործող և ընդունական առևտրական ոյժեր, տեղային առևտուրը և արդիւնաբերութիւնը առաջ տանելու համար. թէ այդպիսի դպրոցի ուսման պաշարը տալիս է աշակերտութեանը լիակատար և ամփոփ գիտելիքներ, մտնելու իսկոյն կեանքի ասպարէզ:

Բ. Առևտրական դպրոցը, որպէս քաղաքային ինքնավարութեան ձեռք կառավարող մի հաստատութիւն, կարող է աւելի էժան և մատչելի լինել թէ քաղաքին և թէ ծնողներին, քան թէ կլասիկական գիմնազիօնը կամ ընդհանուր դպրոցը:

Գ. Թէ երկաթուղու բացումով Ալէքսանդրապօլը դառնալու է կենտրոնավաճառ քաղաք և ընդարձակ յարաբերութիւններ ունենալու էր դրացի Պարսկաստանի և Տաճկաստանի հետ և թէ քաղաքը տնտեսապէս առաջադիմում է:

Դ. Թէ Ալէքսանդրապօլը պէտք է օգուտ քաղէ պ. Գ. Բայենդուրեանի կտակից, որի գումարը հաշւում էին 200,000 բուբլի, որը եթէ վերածւէր տոկոսաբեր թղթերի, քաղաքը ունենալու էր տարեկան 20000 բ. շահ. այդ ճանապարհով կարելի էր գարձնել դպրոցը գիշերօթիկ, ընդարձակել դիրքը, պակասեցնել ուսման պաշարը և շատացնել ձրիավարժների թիւը*):

Կար մի այլ հանգամանք ևս, այդ այն էր՝ թէ հաստատելով Առևտրական միջնակարգ դպրոց, Ալէքսանդրապօլը բախտ է ունենալու հրաւիրելու իր մէջ մօտ 25 հոգի բարձրագոյն կրթութիւն ստացած մարդիկ, որոնք ծառայելով դպրոցին, միևնոյն ժամանակ օգտակար առաջնորդներ պիտի լինէին նաև քաղաքի մտաւոր առաջադիմութեան համար: Ահա այդ հան-

*) Տես հաշիւ 1906—7 թ. երես 16:

գամանքներն էին, որոնք պատճառ կամ անկիւնաքարեր դարձան Առևտրական դպրոցի հաստատման համար. իսկ ապագայ միջնակարգ դպրոցաւարտ երիտասարդութիւնը անշուշտ պսակելու էր այդ բարոյական-կրթական շէնքի գլուխը և լրացնելու էր քաղաքիների շերմեռանդ ակնկալութիւնները: Այժմ տեսնենք թէ իրականութիւնը, — դստն, անողո՞ք և լուրջ իրականութիւնը ի՞նչ է ասում մեր դպրոցաւէր և լաւատես քաղաքացիներին, ո՞ւր մնացին մեր քաղցր, մեղրածորան և անսէշ երագները...

VII

Անշուշտ ամեն մի ծնող և ամեն մի քաղաքացի բարոյական պարտաւորութիւն ունի հոգալու և մտածելու թէ իր մատաղ սերունդը, որը լինելու է իր յաջորդ քաղաքացին, ի՞նչպէս պէտք է դաստիարակւի և սրպիսի դպրոցում, որովհետև այդ բոլոր բնական պահանջները առաջ են գալիս որպէս ակընկալութիւններ իր ահագին նիւթական և բարոյական զոհաբերութեան գործից: Այդ տեսակէտից կարծում ենք, որ մասնաւորապէս մեծ պարտականութիւն կայ նաև մեր Առևտրական դպրոցի հոգաբարձութեան բարոյական գիտակցութեան վրայ, որը որպէս քաղաքի հասարակութեան կողմից ընտրւած մի մարմին և որպէս հոգաբարձու ծնող, պարտաւորութիւն ունի գոնէ տարին մի անգամ մի յատուկ ծնողական ժողովի առաջ հաշիւ տալ, քննութեան ենթարկել իր խնամքին յանձնւած դպրոցի պակասաւոր և արդիւնաւոր կողմերը, դպրոցի մանկավարժական-կրթական ուղղութեան ընթացքը և այդ միջոցով ծանօթացնել

նաև հասարակութեանը դպրոցի ուղղութեան և արդունաւորութեան հետ:

Բայց մենք ցաւ ի սիրտ պէտք է ասենք, որ մեր Առևտրական դպրոցի հոգաբարձութիւնը, մեր տեսութեան ենթակայ քառամեակի մէջ, ոչ մի բաղձալի քայլ չէ արել այդ ուղղութեամբ: Հաշիւ-մատեանից չի երևում թէ Առևտրական դպրոցի հոգաբարձութիւնը որքան և իցէ շերմեռանդ սիրով օգտաւէտ գործունէութիւն ցոյց տւած լինէր դպրոցի անտեսական կրթական ուղղութեան մէջ կարողացած լինէր դպրոցական ուղղութեանը ազդել, ընդհանուրի- հասարակաց շահի տեսակէտից և հայրախնամ միջնորդ հանդիսացած լինէր աշակերտութեան և ուսուցչութեան թիւրիմացութիւնների մէջ: Ընդհակառակը, մենք լսեցինք պ. Յովսէփ Տիգրանեանի գեկուցումից, որպէս նախկին հոգաբարձուից և քաղաքագլխից այնպիսի տխուր և ցաւալի փաստեր Առևտրական դպրոցի հոգաբարձութեան անգործունէութեան մասին, որից ինչպէս ասացինք, սարսափել կարելի է միայն:

Պարզեց, որ դպրոցական անտեսական կառավարութեան մէջ բացակայում է խելացի խնայողութիւնը. դպրոցը չունի իր առարկաների ցուցակը. դպրոցի վարչութիւնը չէ կարողացել նոյն իսկ հաշիւ պահել իր ել և մուտքի մասին և այդ գործը յանձնել է քաղաքային վարչութեանը. իսկական պիտոյքների համար տարիների ընթացքում աւանդ փողերը գործ են գրել աւելի շատ ուսուցիչների սոճիկի վրայ. հոգաբարձութիւնը չի կարողացել հրաւիրել հմուտ և արժանաւոր ուսուցիչներ իր առաջարկած սոճիկների համեմատ. նա չէ հոգացել, որ ուսուցիչները անտեղի բացակայութիւններից հեռու լինեն և արժանա-

ւորապէս կատարեն իրանց մանկավարժական պարտականութիւնները, — ընդհակառակը, Առևտրական դպրոցի հոգաբարձութիւնը թշնամացած քաղաքային վարչութեան հետ, զբաղւած է եղել գաղտնի և յայտնի գանգաւանների գործով: Հոգաբարձութիւնը շարունակաբար փող պահանջելով քաղաքային վարչութիւնից, բացարձակ հրաժարել է հաշվետուութիւնից և այդ բոլորը փողովրդից ծածուկ պահելու քաջութիւնն է ունեցել:

Ուրիշ ճանապահով մեր Առևտրական դպրոցի հոգաբարձութիւնը կատարել է, արդարև մի գերագոյն ծառայութիւն դպրոցի անտեսական-բարոյական գործի մէջ, այդ այն է՝ որ հոգաբարձութիւնը քնքոյշ հոգացողութեամբ ազատել է հարուստ ուսուցիչներին և քաղաքային վարչութեան մէջ մի քանի ծառայողների որդոցը ուսման վճարից, և սառնասիրտ, անգութ անտարբերութեամբ հեռացրել, արտաքսել է դպրոցից աղքատ քաղաքացիների որդիքը*):

Գուցէ մեզ առարկեն թէ այդպիսի մի կարգադրութիւն եկել է բարձրից, թէ դպրոցում ծառայող ուսուցիչներին որդիքը պէտք է ազատ լինեն ուսման վճարից, բայց այդ բանը մեզ համոզեցուցիչ չէ, որովհետև հոգաբարձութեան վճռով է միայն գործադրում գտել այդ վերին աստիճանի անարդար օրէնքը, երբ այդ օրէնքից օգտուում են հարուստ ուսուցիչները և քաղաքային պաշտօնեաները, որոնք շատ լաւ ուժիկներ են ստանում, կալւածատէր են և կողմնակի աշխատանքներով ապահովւած,

*) Տես հաշիւ դպրոցի 1905—6 տարի, երես 55: Այդ դպրոցական տարւայ մէջ հոգաբարձութիւնը ունեցել է միայն 5 նիստ, քննութեան է տւած եղել 42 հարցեր և վճռել են միայն 8-ը, մէկն էլ այդ հարցն է:

Մեր բարոյախօս ուսուցիչները շատ լաւ գիտեն, որ բացի թղթի օրէնքից կայ նաև խղճի օրէնք, արդարութեան, բարոյականութեան և քաղաքացիական առաքինութեան օրէնք, որոնք բոլորը միասին թելադրում են հարուստին չխլել աղքատի հացը, ոյժի իրաւունքով չբռնել աղքատ աշակերտի առաջադիմութեան ճանապարհը և աղքատ քաղաքացու որդուն չհեռացնել ուսման տաճարից... Կրթութեան տաճարում, որտեղ մատաղ սերունդը պիտի ընտելանայ մարդկային հաւասարութեան զգացմունքի հետ, այնտեղ, ուր դասակարգային խտրութիւնը և նիւթական հաշիւները չպիտի պղտորեն մաքուր մանկական սրբարները, ականատես ենք եղել, որ աղքատ քաղաքացու որդուն արտաքսած են եղել դասարանից, իսկ հարուստ վարժապետի և քաղաքային պաշտօնեայի որդին յոխորտալով մտել է դասարան և ձրի է սովորել գիտութիւնը:

Քննելով մեր Առևտրական դպրոցի հոգաբարձութեան անփոյթ թուլութիւնները, ուսուցչական մարմնի անգործնէութիւնը, դպրոցի կանոնադրութեան պակասաւոր կողմերը, այլև ի նկատի առած Առևտրական դպրոցի հասակը, շրջապատող հանգամանքները. ժամանակը և դպրոցի վրայ եղած ահազին ծախսերը, մենք ցաւօք սրտի պէտք է ասենք, որ Ալէքսանդրապօլի Առևտրական դպրոցը բոլորովին չի արդարացրել և չի էլ արդարացնելու հասարակութեան իր ձերն ու ակնկալութիւնները, չէ տւել և չի էլ տալու այն արդիւնքը, ինչ որ հասարակութիւնը սպասում է այդ դպրոցից: Ընդհակառակը, իրականութիւնը հաստատում է, որ Ալէքսանդրապօլի Առևտրական դպրոցի սաները, որպէս միջնակարգ դպրոց աւարտողներ, լիակատար և ամփոփ ուսմունք չեն

դուրս բերել այդ դպրոցից, որ կարող լինէին անխափան մտնել կեանքի ասպարէզ և օրինակելի գործունէութիւն ցոյց տային գոնէ տեղական առևտրական և արդիւնաբերական գործունէութեան մէջ: Ապացոյցները բազմաթիւ են, բայց մենք յիշենք միայն մի քանիսը:

Մենք գիտենք, որ մի քանի դպրոցաւարտներ ստիպւած եղան մտնելու Երևանի գիմնազիան նորից սովորելու և քննութիւն տալու, որպէսզի հնարաւորութիւն ունենան շարունակելու ուսմունքը բարձրագոյն դպրոցներում. մի քանիսը անցան արտասահման և անյաջողութեամբ վերադարձան հայրենիք, մի քանիսը միայն կարող եղան շարունակել իրանց ուսմունքը Մոսկւայի առևտրական բարձրագոյն կուրսերում և այլ տեղեր, և որոնց հասունութեան վրէպայագրերը վստահելի չեն եղել և համարուում են գիտութիւններից բոլորովին թոյլ պատրաստւած աշակերտներ*), իսկ շատերը մինչև այսօր էլ ոչ մի գործ չգտան, պարապ են և անյաջողութեան մասնւած: Իսկ Ալէքսանդրապօլի իրականութեան, առևտրական արդիւնաբերութեան կեանքի մէջ չկայ և ոչ մի անհատ այդ դպրոցից դուրս գալած, որի գործունէութիւնը պատկերացնէր մեզ, մեր Առևտրական դպրոցի պատրաստած աշակերտների իրական արժանիքը: Հրապարակում չկայ և ոչ մի դպրոցաւարտ այդ դպրոցից մեր հասարակական-կրթական կեանքի մէջ, որի ընդունակութեան չափով կարելի լինէր ծանօթանալ և մօտակայ գաղափար կազմել մեր Առևտրական դպրոցի պատրաստած աշակերտի պիտանաւորութեան մասին: Եւ համարձակ կարող ենք ասել, որ երբէք էլ մեր ակնկալութիւնները չեն ար-

*) «Живое Слово», № 17, 1910 г.

դարանալու: Ինչո՞ւ: Որովհետև մեր խորին համոզմամբ, Ալէքսանդրապօլի Առևտրական դպրոցը իր ներկայ ընդունակ ծրագրով և ուղղութեամբ իր ներկայ կազմով ձգտումներով և հարազատ չէ մեր իրական կեանքի պահանջներին, մօտեցրած չէ երկրի և ժողովրդի էական կարիքներին, խորթ է տեղային վաճառականութեանը, արհեստին և արդիւնաբերական պահանջներին: Եւ եթէ մենք սխալւած ենք, ուրեմն պէտք է ճանաչենք մեր սխալը: Այդ դպրոցը, որ պէտք է մեր կարծիքով աշխատանքի ընդունակ մարդիկ պատրաստէր, ինքնրստինքեան ներկայացնում է մարմնացած ազնւապետական մի հիմնարկութիւն, դպրոցը ներշնչում է աշակերտութեանը աւելի շատ լաւ հագնելու, քիչ աշխատելու, հանդիստ լինելու և աւելի շատ «գաղափարացած» պահանջներ արտայայտելու բոլոր տեսչանքները: Եւ զարմանք չէ, որ դպրոցի պ. վերապետները: Եւ զարմանք չէ, որ դպրոցի պ. վերապետները մօտ օրերս կարգադրել էր, որ նորին գերագանցութեան պ. Ֆիշերի պաշտօնական այցելութեան առթիւ դպրոցից հեռացրած լինէին «չուստիկ» հազած կամ կարկատած հագուստ ունեցող աշակերտները, որպէսզի նորին գերագանցութիւնը բարեհաճէր տեսնել դպրոցի արտաքինը գերագանց դրութեան մէջ. —

Իսկ ներքինը...

Կարծում ենք, որ աւելի լաւ կ'լինէր, եթէ պ. Ֆիշերը ծանօթանար Առևտրական դպրոցի գործերի հետ և տեսնէր մեր Առևտրական դպրոցը իր իսկական զրութեան մէջ, որպէսզի գաղափար կազմէր նաև աշակերտութեան անտեսական կարողութեան մասին և հաւատացած ենք, որ պ. Ֆիշերը ինքը անշուշտ կ'լինէր խնդիր բարձրացնող՝ կրճատելու մեր

Առևտրական դպրոցի ուսուցիչներին ներկայ չափազանց մեծ ոռճիկները և պակասեցնելու աշակերտներին ուսման վճարը: Մենք համաձայն չենք այդ դպրոցի աշակերտ պ. Ղազանճեանի հետ, թէ այդ դպրոցի աշակերտութիւնը երբեմն մի օրդա էր*) և միայն ներկայ վերատեսչի օրօք դրւած է խաղաղ ուսման դրութեան մէջ, բայց ընդունում ենք, որ իրաւի, այդ դպրոցի անհաստատ վիճակը հետեանք է աշակերտութեան անդաստիարակութեանը, որը աւելի խորը և յատուկ պատճառներ ունի և հետզհետէ հրապարակ են գալիս թէ դպրոցի կանոնադրութեան թերութեան և թէ կրթական-տնտեսական-բարոյական այլ և այլ պայմանների հետ:

Բայց մի բոլոր ընդունենք, որ Ալէքսանդրապօլի Առևտրական դպրոցը բացառութիւն է կազմում բոլոր առևտրական դպրոցների մէջ և այդ դպրոցը աւարտած բոլոր աշակերտներն էլ լաւ գիտեն զանազան լեզուներ**): հասկանում են բոլոր կլասիկ հեղինակների գրւածքները, կարող են հաշւել ամենաբարդ և մեծ խնդիրներ, կարող են որոշել Աֆրիկայի և Աւստրիայի բոլոր գետերի ընթացքը, ծանօթ են Ամերիկայի բոյսերի տեսակների և կենդանիների հետ, գիտեն պատմել նախաշրհեղեղեան շրջանի մարդոց կեանքը, ընդունակ են թափանցելու արեգակի և մոլորակների տեսութեան մէջ և այլն, բայց այդ բոլոր գիտութիւնները ունենալուց յետոյ էլ, հաւատացած ենք, որ անծանօթ են մնալու և մնացել են մեր

*) «Живое Слово» № 36—1910 г.

***) Ալէքսանդրապօլի Առևտրական դպրոցը աւարտած մի աշակերտ չէր կարողացել գոնէ ուղիղ գրել ուսերէն մի հասցէ և գրել էր «Господиу Алексаидропольскому Городскому Управу» տես «Живое Слово» № 17—1910 г.

հայրենագիտութեանը, տեղային վաճառականութիւնը, առևտրական արդիւնաբերական պայմաններին և գիւղատնտեսութեանը որ է կէտ նպատակ նոյն իսկ առևտրական գիտութիւնների: Առևտրական դպրոցի գրացուցակի մէջ (երես 90) տեսնում ենք, որ բնագիտութեան առարկայից շաբաթական նշանակւած է միայն երկու դաս և այն էլ մինչև V-րդ դասարանը, իսկ գիւղատնտեսական գիտութիւնը բոլորովին բացակայում է այդ դպրոցից: Այդ պակասութիւնը կարծում ենք, որ չէր լինի, եթէ դպրոցի վարչութիւնը ըմբռնած լինէր, որ առանց ընդարձակ ծանօթեան բնական արդիւնաբերական ճիւղերի և առանց գիւղատնտեսական գիտութեան Առևտրական դպրոցի բովանդակութիւնը դառնում է աննպատակ, որովհետև առևտրական գիտութիւնը ամենասերտ կերպով կապւած է բնական և արդիւնաբերական գիտութեան հետ: Եւ ինչպէս կարող է աշակերտը լիակատար և ամփոփ գիտելիքներ դուրս բերել այդ դպրոցից, երբ դպրոցի վարչութիւնը իր գլխաւոր նպատակը չէ գրելուսուսախրել տեղային վաճառականութիւնը, տեղային արդիւնաբերութիւնը և գիւղատնտեսականը, տեղային և գրացի գաւառների տնտեսական պայմանները, երբ մինչև այսօր գոնէ մի հրապարակական փորձ կամ մի գասախօսութիւն չի եղել դպրոցում այդ ուղղութեամբ: Ալէքսանդրապօլի Առևտրական դպրոցի պատերը վիայ են, որ այդ դպրոցում տարին մի անգամ եղել են դպրոցական հանդէսներ, որտեղ ի ցոյց հասարակութեան հանդէս են հանել միայն մի քանի «առաջադէմ» աշակերտներ արտասանելու մի երկու աղքատ ոտանաւորներ կամ կարդալու մի թեթև գրւածք, իսկ ուսուցիչներէց մի քանիսն էլ անսահման օգևորութեան մէջ գովել են

Գոգօլի, Կալցովի հանճարները, բայց և այնպէս ցաւալի փաստը մնացել է այն, որ դպրոցի վարչութիւնը գոնէ տարին մի անգամ էլ հանդէս չի հանել իր «դարգացած» սաները, խօսելու և դատելու տեղային և արտաքին առևտրական գիտութիւնների մասին, որն է դպրոցի կէտ նպատակը: Առևտրական դպրոցը իր պատրաստած զարգացած աշակերտներով կամ ուսուցիչներով մի անգամ էլ չի բացատրել տեղային «տղէտ» առևտրականներին, թէ ինչ է առևտուրը, այդ պարագամուկը իսկական նպատակը, ուղղութիւնը և թէ բարելաւութեան պայմանները:

Այդ ցանկալի ճանապարհով գուցէ կարելի լինէր հասկանալ, թէ որքան կենսականութիւն ունի Առևտրական դպրոցը և ինչ չափով ծառայած է նա տեղային ժողովրդի իրական կարիքներին: Մենք գիտենք, որ դպրոցի վարչութիւնը որպէս գւարձութիւն իր աշակերտներին տարել է ծանօթացնելու Կողբի աղանանքի, Հագպատի պղնձի ձուլարանի և Բագլի նաւթային հորերի և այլ աւելի բարդ ու խոշոր արդիւնաբերական գործարանների հետ, որոնց ուսմունքը մի գեղեցիկ և ցանկալի առարկայ է Առևտրական դպրոցի աշակերտների համար: Բայց այդ անհրաժեշտութեան հետ միասին, կարծում ենք, որ գոնէ տարին մի անգամ էլ շրջադաշելու էին աշակերտները իրանց հայրենի գաւառը, ծանօթանալու տեղն ու տեղը գաւառի գիւղացիութեան և գիւղատնտեսական ճիւղերի հետ, ծանօթանալու այն միջավայրի հետ, որի համար որպէս թէ պատրաստուում են գործելու: Ահա այդ է պատճառը, որ մինչև այսօր մենք չենք տեսել մի առևտրականի որդի մեր Առևտրական դպրոցից դուրս եկած, որ կանգնած լինէր իր հօր գործի մօտ, գոնէ վայրկենապէս ծա-

նօթանալու տեղային առևտրի, արհեստի կամ արդիւնաբերական պայմանների հետ. տեղային առևտուրը, արհեստը և արդիւնաբերական ճիւղերը արհամարհելի են մեր «զարգացած» առևտրական աշակերտներին...

Առևտրական դպրոցը, որ կոչւած է գործնական կեանք ստեղծելու, գործնական մարդիկ պատրաստելու, այդ դպրոցը իր ուղղութեամբ ներկայացնում է անգործութեան մի լայն կենտրոն: Առևտրականի համար, որի համար ամեն մի րոպէն հաշւած է և թանգ, առևտրականի համար, որի ժամանակը ոսկի է և պէտք է շահաւէտութեան մէջ գործադրել, մեր Առևտրական դպրոցի համար այդ բաները անհասկանալի են և դարմանք չէ, որ դպրոցում պարագամունքի օրերն են 143, իսկ Առևտրական դպրոցում դասախօսող ուսուցիչների բաց թողած դասերի թիւն է 510 (երես 61): Գուցէ այդ բանը ուսուցիչների «հիւանդութեան» և այլ «յարգելի» պատճառներից է առաջացել, բայց հետաքրքիր աչքը կարող է տեսնել, որ անազին ժամանակ և շատ անգին օրեր էլ կորել են զանազան աննպատակ հանդէսների, քննութիւնների և այլ նման պէտքերի պատճառով, որով Առևտրական դպրոցը իսկապէս «օրգա» է դարձել և մրնացել բացարձակ դատարկութեան և անգործութեան մէջ (եր. 63): Աշակերտական այդ անգործ-ծուլութիւնից առաջ են եկել, այն, այնպիսի մոլորութիւններ, որոնց արմատը պէտք է որոնել հէնց դպրոցում հաստատուած «բուֆէտի» շուրջը և դպրոցի ներքին միջնորդատու, որոնց գէմ չի կարող կուել ոչ ընտանեկան և ոչ էլ հասարակական ազդեցութիւնը: Այդ աննպատակ պայմանների հետևանքը այն է եղել, որ ամբողջ դասարաններ մնացել են թոյլ և վերաքննու-

Թեան անոեղի երկիւղի տակ և զարմանք չէ, որ 383 աշակերտներէց վերաքննութիւն են ունեցել 122 աշակերտներ...

Անշուշտ այդպիսի թոյլ պատրաստականութիւն ունեցող աշակերտութիւնը չի կարող դպրոցից դուրս բերել այնպիսի ամփոփ զիտելիքների պաշար, որ դպրոցաւարտը կարողանար մտնել իսկոյն կեանքի ասպարէզ և գործել իր հայրենիքի առաջադիմութեան համար: Ամենաշատը մեր Առևտրական դպրոցը իր անհարագատ ուղղութեամբ և ներքին անկատարելիութեամբ, ընդունակ է աւելի շատ և տարիներ ընթացքում շատացնելու դժբախտ անյաջողակների թիւը, աշակերտութեանը հեռացնելու է տեղային կեանքի պայմաններից և իր քիւրօկրատիկ ուղղութեամբ լցնելու է միայն աշակերտների զուխը «Кандидатъ коммерціи» լինելու ցնորքները, որը իրականութեան մէջ հաւատացած ենք, որ հաց չի տալու իր տիրոջը: Եւ այդպիսով քանի որ Ալէքսանդրապոլի Առևտրական դպրոցը ղեռ ևս հանդէս չէ հանել իր հիւթալից պտուղները, քանի որ այդ դպրոցից դուրս գալած մարդիկ, դպրոցաւարտները այս կամ այն պատճառով հեռացած են տեղային առևտրական, արդիւնաբերական և զիւղատնտեսական կեանքից, — ինքնըստինքեան հասկանալի է, որ դպրոցը չէ տալիս աշակերտութեանը լիակատար պաշար և պատրաստականութիւն մտնելու տեղային կեանքի ասպարէզ և հէնց այդ մի հզօր պատճառով էլ Ալէքսանդրապոլի հասարակութեան համար այդպիսի ակընկալութիւնը կատարեալ յուսախաբութիւն է:

Երկրորդ կարևոր և լուրջ նշանակութիւն ունեցող հարցն այն է՝ թէ Ալէքսանդրապոլում Առևտրական դպրոց հիմնելը և այդ դպրոցում ուսման վճարը աւելի էժան պէտք է լինի քաղաքի և ծնողների համար, քան թէ կլասիկական գիմնադիօնը կամ բէալական դպրոցը: Այդ հաշիւն էլ կարծում ենք, որ հիմնովին սխալ դուրս եկաւ: Ինչպէս իր տեղում պարզեցինք, Ալէքսանդրապոլի քաղաքային խորհուրդը իր մարտի 9-ի 1899 թ. նիստում հազիւ հազ քաջութիւն էր ունեցել քաղաքի սնդուկից տարեկան 7000 ռ. տալ և վարձել բնակարան, եթէ կառավարութիւնը յանձն առնէր բանալ բէալական դպրոց և մերժում էր ստացել: Դպրոցական մասնաժողովը, որ քննում էր այդ խնդիրը, ի նկատի ունէր, որ բոլոր քաղաքներում միջնակարգ դպրոցները բացում են պետութեան օժանդակութեամբ, որովհետև կատարում են ընդհանուր կրթական պարտաւորութիւններ և դասավճարի չափն էլ այդ պատճառով մատչելի է ժողովրդի մեծամասնութեանը: Իսկ Ալէքսանդրապոլը զրկւած է պետական նիւթական պաշտպանութիւնից, յոյս ունէր պահել իր սեփական միջոցներով մի առևտրական դպրոց, յուսալով թէ, աշակերտների թիւը հասնելու էր գոնէ 700—800 հոգու:

Այսպէս օրինակ, մասնաժողովին յայտնի էր, որ Դերբենտի բէալական դպրոցում ուսման վճարն էր 40 ռ., Վրադիկավկազինը 55 ռ., Շուշանը 65 ռ., Բագլինը 75 ռ. և Թիֆլիսինը 80 ռ., իսկ արական գիմնադիօնները Գանձակում 60 ռ., Երևանում 62 ռ., Բագլում 62 ռ., Ստաւրապոլում 62 ռ. և Թիֆլի-

սում 80 բուբլի: Այդ թւերը արդէն ցոյց են տալիս, որ կառավարութիւնը դպրոցական ուսման վճարը և ուսուցիչներին ուժեղները միշտ յարմարեցրել է տեղային պայմաններին և աշակերտների թւի հետ*):

Այժմ տեսնենք, թէ մեր Առևտրական դպրոցը որքան էժան է նստել մեր քաղաքին և թէ ուսման վճարը որքան համապատասխան է ժողովրդի վճարողական կարողութեանը:

Ինչպէս յայտնի է, Ալէքսանդրապոլի Առևտրական դպրոցը ոչ մի կողէկ օժանդակութիւն չէ ստանում կառավարութիւնից, թէև այդ դպրոցը որպէս միջնակարգ հաստատութիւն կատարում է իր կրթութեան պարտաւորութիւնը պետական շահի տեսակէտից: Դպրոցի կանոնադրութեան համաձայն, քաղաքը իր վրա է առել բոլոր դպրոցական ծախսը, այդ պատճառով քաղաքը ստիպւած է նշանակել ամենաբարձր ամսավճար, այն է՝ 80—100 և 120 բ. կամ միջին հաշուով 100 բ.: Մեր ձեռքի տակ եղած հաշից երևում է, (1906—7 թ.) որ Ալէքսանդրապոլի Առևտրական դպրոցի ընդհանուր ծախսն է 48,857 բուբլի, իսկ թոշակագրամ ստացւում է 33,655 բ., որով քաղաքի տարեկան ծախսն է այդ դպրոցի պահպանութեան համար 13,902 բուբլի և 2000 բուբլի պ. Բայենդուրեանի տարեկան օժանդակութիւնից: Բացի այդ տարեկան ծախսից քաղաքը ծանր և անելանելի պարտքի տակ ընկած, շինել է դպրոցի հոյակապ շէնքը, որի արժէքն է 180,000 բ., որից դպրոցի բաժինն է ընկնում երկու յարկը 120,000 բ. և այդ գրամագլխի տարեկան տոկոսն է միայն 12,000 բ.:

Այստեղ չենք յիշում դպրոցական շէնքի, տա-

*) Այդ դպրոցներում աշակերտների թիւն է ամենաբարձրը 521 և շատը 1137 հոգի:

քութեան, լուսաւորութեան, նորոգութեան և այլ դպրոցական առարկաների վրայ եղած տարեկան ծախսը, դպրոցական շէնքի և առարկաների հետգնատէ ոչնչանալը, որոնց գումարը բաւական խոշոր թւերի է հասնում և ապացուցանում է, որ Ալէքսանդրապոլի Առևտրական դպրոցի պահպանութիւնը ոչ թէ էժան, այլ շատ ու շատ թանգ է նստում քաղաքի սնդուկի և ծնողների վրայ, քան թէ պետական հաշուով եղած բէալական կամ կրասիկական դպրոցը*):

Արդեօք ի՞նչ է պատճառը, որ այդքան թանգ է Ալէքսանդրապոլի Առևտրական դպրոցը: Առաջին և ամենամեծ պատճառն այն է, որ Առևտրական դպրոցի ուսուցիչներին դասավճարը շատ բարձր է, քան թէ այլ միջնակարգ դպրոցներինը: Գործիս վերջում դրւած է Առևտրական դպրոցի ուսուցիչներին դասավճարի աղիւսեակը, որից ընթերցողը կարող է հեշտութեամբ նկատել, որ մեր դպրոցում դասավճարի չափը ամենաբարձրն է: Քսան և մէկ ուսուցիչներ, որոնք պարապել են 25 շաբաթ կամ 150 օր և օրական 4 ժամ,—ստացել են 38,520 բ. և դեռ բաց են թողել 510 դասեր:

Թող ընթերցողը չկարծէ թէ Ալէքսանդրապոլի Առևտրական դպրոցի ուսուցիչները բոլորն էլ ցենզով, ծագումով գուտարիւն ազնւականներ են կամ ամենբարձր կրթական, մանկավարժական փայլուն հոշակ ունեցող անձնաւորութիւններ, որոնք արժանի են իրաւի, այդպիսի առատ վարձատրութեան: Մենք գիտենք և ճանաչում ենք, որ ուսուցիչների

*) Տես յաւելւած Բ. որից երևում է, որ ներկայ 1911 թ. դպրոցի ծախսն է 60,000 բ., իսկ մուտքը 38180 բուբլ.: Ուրեմն քաղաքը ծախսն է ամէն տարի 21820 բուբլ. չհաշւած դպրոցական առարկաների արժէքը և տոկոսը:

մեծ մասը սովորական մարդիկ են, որոնք միայն բախտի բերմամբ ընկել են Ալէքսանդրապոլ և օգուտ քաղելով հոգաբարձական մարմնի թուլութիւնից, — ստանում են շատ ու շատ աւելի քան կարող էին ստանալ ուրիշ տեղեր և փառաւորապէս պարարտացնում են իրանց զբաղմունքները: Յաւում ենք, որ զբաղ-րոցի հաշւի մէջ չէ յիշատակւած այդ ուսուցիչների կրթական աստիճանի և մանկավարժական անցեալ արժանիքի մասին, թէև վերին աստիճանի քնքշու-թեամբ գրւած է այդ ուսուցիչների ունեցած շքա-նշանների թիւը և աստիճանը (երես 31): Դասավճա-րը անշուշտ նշանակւած է բարձրագոյն կրթութեան տէր մասնագէտների համար, իսկ Ալէքսանդրապոլի Առևտրական դպրոցում դասաւանդում են միջնա-կարգ դպրոցներից և սեմինարիայից գուրս եկած անհատներ, որոնք միևնոյն առարկաները ուրիշ զբաղ-րոցներում աւանդելիս պէտք է ստանային կէսը, մինչև անգամ մի երրորդականը, ինչպէս ստանում են տեղիս իգական գիմնադրիայում կամ ինչպէս գա-ւառական և այլ դպրոցների ուսուցիչները, որոնց ջանասիրութիւնը և ժրաջանութիւնը, կարծում ենք, որ պակաս չէ, քան Առևտրական դպրոցի ուսուցիչ-ները: Եթէ մի դպրոցում 383 աշակերտից 122-ը վերաքննութիւն են ունեցել, նշանակում է ոչ թէ միայն աշակերտներն են ծոյլ և անընդունակ, այլև պակասաւոր կողմեր ունի նաև մանկավարժական կազմը, որ հոգաբարձութեան անհոգութեան պատճա-ռով, իր անգործունէութեան մեղքը զցել է խեղճ ա-շակերտների վրայ և անմշակ ծառերից քաղցր, հիւ-թախից պտուղ է պահանջում:

Մի սրտացաւ հոգաբարձու, ցանկանալով բար-ձրացնել Առևտրական դպրոցի նշանակութիւնը, փաս-

տաբանում էր, թէ Առևտրական դպրոցները, բոլոր միջ-նակարգ դպրոցների մէջ առաջնակարգ տեղ են բռն-նում և այդ է պատճառը, որ Առևտրական դպրոցի ուսուցիչները, որպէս բարձրագոյն ուսման տէր ան-ձինք, պէտք է որ ստանան ամենաբարձր դասավճար: Բայց փաստը, անհերքելի պաշտօնական վիճակագրու-թիւնը հաստատում է, որ Առևտրական դպրոցներից գուրս եկած աշակերտներից հազիւ թէ 33% ընդուն-ւում են բարձրագոյն դպրոցներում, որով ընդհանուր զարգացման կողմից, Առևտրական դպրոցները յետ են մնում ընդհանուր դպրոցից և գիմնադրիոններից¹⁾: Բայց ամենացաւալին այն է, որ մեր Առևտրական դպրոցում աշակերտութեան մեծամասնութիւնը կազ-մում են միջին դասի քաղաքացիների որդի-քը: որով անտեսական ծանրութիւնն էլ իր ճնշող հետևանքներով ընկնում է այդ անտեսապէս անա-պահով դասի վրայ: Առևտրական դպրոցի 383 աշա-կերտներից ազնւական դասին պատկանում են 41 հոգի: հոգևորական դասին 6, վաճառական դա-սին 43, մանրավաճառ արհեստաւորների դասին 201, երկրագործ դասին 64, այլ և այլ զբաղմունքի 23 աշակերտներ:

Բաժանելով այդ թւերը անտեսական ապահո-վութեան վրայ, մենք տեսնում ենք, որ առաջի դասը տւել է 90 աշակերտներ, որոնցից շատերը որպէս հարուստ ուսուցիչների և քաղաքային վար-չութեան մէջ լաւ ուսման ծառայողների որդիք ընկել են ձրիավարժների ցուցակի մէջ²⁾, իսկ մնա-ցած մեծագոյն մասը, այն է 293 աշակերտներ, որ-պէս միջին դասի, հսկատակ և հարկատու թշուառներ,

¹⁾ «Рѣчь» № 276—1910 г.

²⁾ Տես յաւելւած Ա.

կրում են դպրոցի ահագին նիւթական ծանրութիւնը: Իրութիւնը շատ ցաւալի է:

Այդ պաշտօնական թւերը արդէն ապացուցում են, որ Ալէքսանդրապօլի Առևտրական դպրոցը պահուում է միջին և աղքատ դասի վճարով, անապահով դասը ստիպւած է հոգալու հարուստ դասի կրթութեան գործը: Բուն առևտրական դասը—վաճառականութիւնը, որի համար որպէս թէ պէտք է աւելի պիտանի լինի Առևտրական դպրոցը, աւել է միմիայն 43 աշակերտներ: Այդ բանը արդէն անվիճելի է դարձնում այն փաստը, որ վաճառական-առևտրական դաս, լայն իմաստով գոյութիւն չունի Ալէքսանդրապօլում, այդ միջնակարգ դպրոցը լցելով մանրավաճառների, արհեստաւորների որդիքը, որովհետև քաղաքումս ուրիշ միջնակարգ արական դպրոց գոյութիւն չունի: Եւ անա այդ դասի շահը պահանջում է, որ Առևտրական դպրոցի հոգաբարձութիւնը լուրջ ուշադրութիւն դարձնէ մեծամասնութիւն կազմող աշակերտութեան պահանջը և Առևտրական դպրոցին այնպիսի ուղղութիւն տայ, որ դպրոցը կարող լինի հրապուրել դէպի կրթութիւն աւելի բազմաթիւ աշակերտներ և պիտանի լինի երկրի մեծամասնութեան էական կարիքներին: Առևտրական մեծամասնութիւն կազմող աշակերտները—մանրավաճառների և արհեստաւորների որդիքը, բացի ուսման ծանր վճարից, ենթակայ են մշտապէս նաև մի այլ անխուսափելի զրկանքի: Դպրոցի 383 աշակերտներից 104-ը վերաքննութիւն են ունեցել, իսկ 18-ը մնացել միևնոյն դասարանում: Այդ դրութիւնը սոսկալի է դառնում, երբ մտածում ենք, որ միջին և աղքատ դասի աշակերտները, որոնց ընտանեկան պայմանները այնքան էլ նպաստաւոր չեն կրթական առաջադիմու-

թեան համար, ունեցել են վերաքննութիւններ մի քանի առարկաներից, խղճալիները պէտք է դիմեն այս կամ այն ուսուցիչին*), այս կամ այն ուսուցչի տիկնոջը, որպէսզի հնարաւորութիւն ունենան ազատելու սոսկալի քննութիւնների հետևանքներից:

Խեղճ ծնողներից շատերը իհարկէ համարձակութիւն չեն ունենայ դիմելու զարգացած ուսուցիչներին խղճի ձայնին, որ գոնէ հաշիւ տան իրենց խղճին, հաշիւ տան իրանց բաց թողած դասերի համար, գոնէ մի ըսպէ մտածեն թէ ի՞նչ են սերմանել, որ եկել են հնձելու և այն էլ ամենասուր մանկադնների միջնորդութեամբ: Յարգոյապատիւ հոգաբարձութիւնն էլ հետամուտ չէ հասկանալու թէ արդեօք Ալէքսանդրապօլի երեխաներն են անընդունակ ուսման մէջ, թէ ուսուցիչների կողմից էլ կան, այո, այնպիսի անթոյլատրելի «պաշտօնական» բացակայութիւններ, որով Առևտրական դպրոցը փոխանակ առաջադիմելու, մեծանալու, մնացել միևնոյն քարացած դրութեան մէջ, որովհետև այդ դպրոցի նոր բացման օրը 1902—3 թ. եղել են 327 աշակերտներ, իսկ 5 տարուց յետոյ էլ դարձեալ նոյն քարացած թիւն է 383 հոգի. ոչ մի առաջադիմութիւն: Առևտրական դպրոցի ուսման վճարի ծանրութիւնից յետոյ, պէտք է յիշենք դպրոցական հագուստի, դասազրքերի և այլ դպրոցական պիտոյքների չափազանց թանկութիւնը, որը անտանելի կերպով ճնշում է և հեռացնում աշակերտութեան մեծամասնութիւնը

*) Կրթութեան անւան տակ կատարուող այդ տեսակ հարստահարութիւնը սոսկալի է: Վերաքննութեան և թւանշանները փոխելու համար ստացած ահագին փողերը փառաւորապէս իւրացրել են ուսուցիչներ Վէման և Մարշան և փախել... «Живое Слово» № 17, 1910 г.

դպրոցից: Պարզելու համար այդ հարցը, մի բույժ ենթադրենք, որ մի մանրավաճառ կամ արհեստաւոր, որը ունի երկու-երեք որդիներ և ցանկանում է բոլորին էլ միջնակարգ կրթութեան տալ, այդպիսին իսկապէս պէտք է քայքայելի դպրոցական ծախսերի տակ: Տարեկան մի երեխայի ծախսը լինում է 200 բուբլի, իսկ մինչև աւարտելը 10 տարին 2000 բ.: Կարող է արդեօք այդ ծախսը մատչելի լինել և հաշիւն էլ իրականութեան մէջ գոյութիւն ունենալ: Նոյն իսկ մի միջակ մանրավաճառ կամ մի կտոր չոր հաց ունեցող արհեստաւոր կարող է յուսալ թէ նա կարողանայ այդպիսի սոսկալի տնտեսական զոհաբերութեամբ միջնակարգ կրթութիւն տալ իր երկու-երեք կամ չորս որդոցը, թէ պէտք է մէկին զրկել միւսի բախտաւորութեան համար: Շեշտում ենք, որ աշակերտութեան մեծամասնութիւնն էլ հէնց այդ անապահով դասն է:

Ահա այդ բոլոր հարցերը ի նկատի առած, պէտք է ասենք, որ Ալէքսանդրապոլի Առևտրական դպրոցը ոչ թէ էժան, այլ շատ ու շատ թանկ է նստել թէ քաղաքի և թէ քաղաքացիներին համար, քան թէ կառավարութեան առաջարկած ընտանեկան դպրոցը կամ նոյն իսկ գիմնազիօնը: Դպրոցի դասավճարի էժանութեան հարցը կապւած է անշուշտ աշակերտների թւի շատութեան հետ: Իսկ մեր Առևտրական դպրոցը, ինչպէս իր տեղում նկատել ենք, չի կարող ներկայ ուղղութեամբ շատացնել աշակերտների թիւը, որովհետև դպրոցը հեռու է ժողովրդի մեծամասնութեան իրական պահանջից:

Երրորդ հարցն է թէ երկաթուղիի բացումով մեր քաղաքը պէտք է դառնայ նշանաւոր վաճառաչաճ քաղաք, որը ընդարձակ յարաբերութիւն ունենալու է նոյն իսկ դրացի Տաճկաստանի և Պարսկաստանի հետ և թէ մեր քաղաքը տնտեսական առաջամութեան մէջ է, այդ բանն էլ ինչպէս իր տեղում պարզեցինք, բոլորովին դատարկ դուրս եկաւ, որովհետև երկաթուղին միանգամայն քանդեց մեր քաղաքի և գաւառի տնտեսական դրութիւնը, խլեց գիւղացիներին ահագին քանակութեամբ ապրանքներ տեղափոխելու գործը, որը մեծ առևտրի պատճառ էր լինում. լցրեց քաղաքը և գաւառը ուրիշ տեղերի արհեստական արդիւնաբերական պիտոյքներով և մեռցնելով տեղական արհեստը, քամեց տեղային առձեռն պատրաստի դրամը: Ով կասկածում է այդ բանում, խորհուրդ ենք տալիս հետաքրքիր թւանշաններ ձեռք բերել երկաթուղու միջոցով ներմուծւած ապրանքներ գումարի և արաահանութեան գործից, տեղական բանկերի դրամական փոխադրութեան գործողութիւնից, որոնք բոլորը միասին հաստատում են, որ երկաթուղին միմիայն ներմուծեց դրսից թէ զանազան ապրանքներ և ալիւր և թէ քամեց մեր քաղաքի ու գաւառի աշխատանքի բոլոր յայտնի աղբիւրները: Միանգամայն ծիծաղելի է նաև այն յոյսը, թէ մեր Առևտրական դպրոցի աշակերտները, առանց մի բառ անգամ գիտենալու թուրքերէնից, կարող են ասպարէզ զանել դրացի երկրներում: Այդ կողմից կարող ենք հաւաստել, որ Տաճկաստանի և Պարսկաստանի մէջ գործում են այնպէս ժրջանութեամբ և տեղային

բոլոր պայմանների զէնքերով օժտւած տեղային երիտասարդները, որոնց պատրաստականութեան դէմ մեր Առևտրական դպրոցի աշակերտները շատ թոյլ արարածներ են: Եւրոպական ազգերի առևտրական հիմնարկութիւնները ընդարձակ իրաւունքներով և պետական պաշտպանութեան շնորհիւ ահագին քանակութեամբ լցրել են այդ երկրների շուկան իրանց արդիւնաբերական գործերը, իսկ ճարպիկ, խելացի և գործնական փորձառութիւն ունեցող, տեղային երիտասարդութիւնը, բնականապէս պէտք է խոչընդոտ դառնայ օտար երկրի առևտրական գործիչներին, այդ բնական մրցութեան դէմ չեն կարող կուսել մեր Առևտրական դպրոցի աշակերտները: Այդ խնդիրը աչքի առած, խորը կերպով համոզւած ենք, որ ոչ թէ Առևտրական դպրոցի, այլ մեր գիւղատնտեսական միջնակարգ դպրոցի աշակերտները միայն կարող են քայլ առ քայլ անտեսապէս նւաճել Տաճկաստանը և Պարսկաստանը, որտեղ երկիրը դեռ անմշակ է, ընդարձակ և բարեբեր, իսկ գիւղատնտեսներ պակասում են:

Ուրեմն այդ կողմից էլ մեր ցանկութիւնը անյուսալի է, և ուրեմն անհիմն էր նաև այն կարծիքը, թէ Ալէքսանդրապոլը անտեսապէս առաջադիմելու հաստատուն հիմունքներ ունի, թէ նա պէտք է դառնայ կենտրոնավաճառ տեղ և Առևտրական ընդարձակ կապեր ունենալու է դրացի Տաճկաստանի կամ Պարկաստանի հետ:

XI

Գալով պ. Գ. Բայենդուրեանի կտակի մասին, որի գումարը որպէս թէ լինելու էր մօտ 200,000 ռուբ. և այդ գումարով կարելի էր ընդարձակել դպրոցի շէնքը, շատացնել ձրիավարժների թիւը, պակասեցնել ուսման վճարը և այլն, — այդ բոլորը իհարկէ դատարկ յոյսեր էին և վառ երևակայութեան արդիւնք: Այդպիսի բառեր հարկաւոր էին դարձարելու պաշտօնական գեկուցումների էջերը և այդպիսի մեծահնչիւն ճառերի շնորհիւ, ազգեցութիւն անել միամիտ քաղաքացիների երևակայութեան վրայ, այդ բոլորը իհարկէ, բացի փաստից ոչ մի օգուտ չէ բերել քաղաքի անտեսութեանը:

Ճշմարտութիւնը միայն այն է, որ Ալէքսանդրապոլի Առևտրական դպրոցը ստանում է պ. Բայենդուրեանի կտակած մի կրպակից ամեն տարի 2000 ռ. (դուրս գալած ծախսերը 1700 ռ.) և այդ գումարն էլ, խոստովանում ենք, որ պակաս օժանդակութիւն չէ մեր աղքատ քաղաքի համար:

Իսկ հասարակութեան մէջ տարածւած այն յոյսը, թէ Ալէքսանդրապոլում Առևտրական դպրոց հաստատելով քաղաքը բախտ ունենալու իր մէջ տեսնելու մօտ 25 հոգի բարձրագոյն կրթութիւն ստացած անհատներ, որոնք ծառայելով դպրոցին, միևնոյն ժամանակ պէտք է լինէին մեր հասարակութեան համար լուսատու ջահեր, — այդ յոյսն էլ կարծում ենք, որ դատարկ դուրս եկաւ: Մեր քաղաքը այն, ամենամեղաբարձր ուժիկներ տալով հրաւիրեց զանազան կրթութեան տէր ուսուցիչներ, բայց այդ ուսուցիչների մէջ քաղաքը չկարողացաւ տեսնել լուսատու ջահեր

լինելու յատկութիւնը, նոյն իսկ դպրոցական ասպարիզում: Ինչպէս իր տեղում նկատել ենք, Առևտրական դպրոցի մանկավարժական խումբները շատ թոյլ կերպով է ըմբռնել հրապարակական դասախօսութիւնների անազին և կրթիչ ազդեցութիւնը: Ալէքսանդրապոլի Առևտրական դպրոցի ուսուցչական խումբը կարծում ենք, որ բարոյական պարտականութիւն ունէր հանդէս հանելու ոչ թէ միայն իր առևտրական գիտութիւններով օժտւած դպրոցաւարտները, այլ և բարոյապէս պարտաւոր էին գոնէ տարին մի անգամ հրապարակական հաշիւ և դասախօսութիւններ կարդալ մեր քաղաքացիներին առևտրի, արհեստի և արդիւնաբերական ճիւղերի նկատմամբ, այդ ճանապարհով մեր Առևտրական դպրոցի ուսուցիչները ուսումնասիրած կլինէին մեր տեղային անտեսական կեանքը իր լաւ և վատ կողմերով, որպէսզի գիտակցաբար կատարէին իրանց կրթական առաքելութեան պաշտօնը:

Իսկ ծնողական խորհուրդներ կազմելու անհրաժեշտութեան մասին խօսելն անգամ աւելորդ է, մեր «գիտնական» ուսուցիչները, աշակերտի ծնողներին դպրոց հրաւիրում են միայն այն ժամանակ, երբ պէտք է փող պահանջեն կամ ծանր ու ծանր նկատողութիւն անեն աշակերտների ծուլութիւնները կամ այլ պակասութիւնների մասին, ուրիշ անգամ ծնողներին երես տեսնելը աւելորդ են համարում: Միւս կողմից մեր Առևտրական դպրոցի անտեսազէտ ուսուցիչները այն կարծիքն են պաշտպանում, թէ Ալէքսանդրապոլը անազին ոտճիկներ տալով ուսուցիչներին և պահելով իր մեծածախս Առևտրական դպրոցը, դեռ ևս մեծամեծ օգուտներ ունի այդ բանի մէջ, որովհետև փաստաբանում են թէ ուսուցիչներին ստա-

ցած մեծ ոտճիկները և դրոսից եկած աշակերտների կատարած ծախսերը պատճառ են լինում տեղական առևտրի կենդանութեանը. Ողորմելիները կարծում են թէ բոլորի ծնողները կամ քաղաքացիները մեծ շահ ունեն ուսուցիչներին մեծ ոտճիկներ տալով մէջ. կարծում են, թէ ուսուցիչներին ծախսած փողերը տեղային մի քանի առևտրականների մօտ մնում են քաղաքում, չհասկանալով, որ բոլոր հարկաւոր կենսական պիտոյքները և այլ հարկաւորութիւնների մեծ մասը դրոսից են ներմուծւում Ալէքսանդրապոլ: Մեր գաղաքը, որ ունի այժմ իր երեք լրագրական հրատարակութիւնները, — բարոյական իրաւունք ունէր սպասելու իր կարող ուսուցիչներից գոնէ տեղային ժողովրդի համար մտաւոր և բարոյական սնունդ, հաարակութիւնը յոյս ունէր թէ այդ ուսուցչական կազմը իրանց խելքով և զրական աշխատութիւններով առաջնորդ կարող էին լինել տեղային բարոյական հասարակական կեանքին, բայց ցաւօք սրտի հասարակութիւնը այդ ուսուցիչների մէջ տեսաւ մի միայն դատարկութիւն: Վերջի օրերս «Ախուրեան» և «Живое Слово» էջերը լցւում են Առևտրական դպրոցի ուսուցիչների և աշակերտների կեղտոտ բանակովները միայն, որը աւելի ևս պղտորում է հասարակութեան միտքը այդ կրթւած մարդոց խակականարժանապաշտութեան մասին*):

Ուէմն այդտեղ էլ ժողովրդի յուսախաբութիւնը կատարել է:

*) «Ասուրեանի» № տղած զիճակագրութիւնից երևում է, որ քաղաքային զրագարան ընթերցարանից օգտուողների չջ ամենավերջին տեղը բռնում են մեր զարգացած ուսուցիչները:

Բայց թողնենք այդ երկրորդական նշանակութիւն ունեցող հարցը և դառնանք տնտեսական դրութեանը, որը կապ ունի Առևտրական ուսումնարանի բանալու և պահելու խնդրի հետ:

XII

Ալէքսանդրապոլ քաղաքի ինքնախաբէութեան և անապանձ յափշտակութեան հետեանքը և արդիւնքը այն եղաւ, որ կառավարչական բարձր հաստատութիւնները բոլորովին սխալ հասկացողութիւն կազմեցին մեր քաղաքի անտեսական դրութեան մասին, համարելով Ալէքսանդրապոլ քաղաքը հարուստ և տնտեսական բարգաւաճման մէջ եղած մի քաղաք, որը կարող էր առանց պետական օգնութեան էլ բանալ և պահել իր միջնակարգ դպրոցը և այլ քաղաքային նախակրթարանները և հաստատութիւնները:

Յաւալի և միանգամայն դատապարտելի է այն դրութիւնը, որ մինչև այսօր էլ ոչ մի լուրջ, ճամբիտ և իրական փաստերի վրայ հիմնած աշխատութիւն չէ կատարած պարզելու մեր քաղաքի անտեսական դրութեան իսկական պատկերը: Մինչև այսօր էլ ոչ մի պաշտօնական գիմում կամ խնդիր չէ եղած բարձր կառավարութեան առաջ օգնելու մեր քաղաքի կրթական գործին և թեթևացնելու աղաքի հարկատուութեան չափը.— ընդհակառակը, մե յայտնի է փաստեր, որ մեր քաղաքի տնտեսութիւնը վարող անհատները յարմար և անյարմար դէքերում, միշտ աշխատել են քաղաքի տնտեսութիւնը ցոյց տալ զերազանց և ամենափայլուն դրութեան մէջ: Որպէս օրինակ յիշենք, որ մեր նախկին քաղաքա-

դուխ Գ. Տէր-Պետրոսեան իր պաշտօնական զեկուցումի մէջ, ոգևորւած Առևտրական դպրոց բանալու անհրաժեշտութեան խնդրով, շեշտում է թէ Ալէքսանդրապոլ քաղաքը տնտեսական առաջադիմութեան հիմունքներ ունի և թէ նախքան ինքնավարութիւն ունենալը, նա ունէր տարեկան մուտք 47609 ռուբլիակ քաղաքային ինքնավարութիւն ստանալուց անմիջատէս յետոյ (1901 թ.) քաղաքային մուտքերը իսկոյն կրկնապատկել են մինչև 92683 ռ. 24 կ., որ ասել է թէ քաղաքը փառաւորապէս կառավարելուց յետոյ էլ (75361 ռ. ծախս) տարեկան աւելորդ փող ունէր 16,728 ռ.*), իսկ այժմ 1910 թ, այդ մուտքերը արդէն բարձրացել են մինչև 156,611 ռ., որ ասել է թէ 10 տարւայ մէջ եռապատկել է քաղաքի մուտքերը: Եթէ այդ թւերը ընդունենք ճշմարիտ ինչպէս որ գրեում են պաշտօնական հաշիւների մէջ և ներկայացոււմ են բարձր իշխանութեանը, մենք պէտք է խոստովանենք, որ արդարև, մեր քաղաքը հիանալի տնտեսութիւն ունի և Ալէքսանդրապոլ քաղաքը բոլոր Անդրկովկասի քաղաքների մէջ միակ բացառութիւն կազմող բախտաւոր քաղաքն է: Եւ հաւատացած ենք, որ այդ «անսխալ» հաշիւների հետեանքն էր, որ կառավարութիւնը ոչ մի կերպ չուզեց օգնել մեր քաղաքին իր Առևտրական միջնակարգ դպրոցը բանալու և պահելու գործի մէջ. կառավարութիւնը այժմ էլ չի կամենում շօշափելի կերպով օգնել քաղաքի կրթական հաստատութիւններին, պակասեցնել եղած հարկերը, իջեցնել առևտրական վկայագրերի վճարը, գոնէ Ղարս քաղաքի համեմատ (IV կարգի), այլ ընդհակառակը, թէ ինքը՝ կառավարութիւնը ամեն մի գործի մէջ և թէ զա-

*) Երես 15:

նագան բարեգործական և այլ հաստատութիւններ, ի նկատի առած անշուշտ մեր քաղաքի տնտեսական հրսկայական առաջադիմութիւնը, դիմում են միշտ և անդադար նպաստներ ստանալու մտքով և մեր քաղաքային վարչութեան վարիչներն էլ միշտ տրամադիր են ընդհանրելու այդ բոլոր պահանջներին:

Այդ քաղաքականութեան հետևանքը այն եղաւ, որ մեր քաղաքը այս բողոքիս, ինչպէս նկատեցինք և այժմ էլ կրկին անգամ շեշտում ենք, կանգնած է 226, 838 ը. պարտքի դէմ. ապիս է տարեկան տուկոս մօտ 20,000 ը. և ծախսել իր յատուկ և անձեռնմխելի գրամազլխից և աւանդներից մի մասը, առանց իրաւասունների գիտութեան, 75,231 ը. արդէն գրաւ է դրել նոյն իսկ իր հաշակաւոր Առևտրական դպրոցի շէնքը և կարող է պատահել, որ մի գեղեցիկ օր պարտատէրերը աճուրդի հանեն այդ նրա պարծանքի արժանի միակ առարկան*):

Թողնելով մի այլ անգամ խօսելու այդ հակասական հաշիւների և արտաքոյ կարգի անպատասխանատու տնտեսական վարչութեան մասին, երբ լիապէս աւարտած կլինի նորընտիր քաղաքագլուխ պ. Գ. կամսարականի ձեռնարկած քաղաքային վարչութեան գործերի վերաքննութեան գործը. առ այժմ մենք պէտք է ասենք, որ այդ գործի մէջ մեծ հանճարներ չկան. մեր քաղաքային վարչութեան հզօր անդամները նստած իրանց փառաւոր սալօն-կաբլինէտի մէջ, առանց երկար մտածելու աշխատել են միշտ և հանա-

*) Առևտրական դպրոցի շէնքը կառուցանելու համար որոշւած էր 75,734 ը., բայց ծախսել է մօտ 160,000 ը. և մինչև այսօր էլ հաշիւը չէ հրատարակւած: Այդ շինութիւնը արդէն գրաւ է դրւած Թիֆ. Ազ. բանկը 73 հազար բուբլու փոխարէն:

պազ և այն էլ արհեստական կերպով բարձրացնելուն քաղաքի մուտքերը, ստեղծել նորանոր հարկեր և անարդար ծախսերի հաշիւներով ծանրացել է քաղաքի տնտեսութիւնը: Հարկահանութեան այդ հարստահարչական սխաեմը, որ յատուկ է բոլոր անարդար կառավարութիւններին, ի հարկէ չէր կարող չազդել նաև մեր քաղաքի և քաղաքացիների տնտեսական դրութեան տկարանալուն: Եթէ քննելու լինենք մեր քաղաքի վերջի 10 տարւայ ել ու մուտքի հաշիւները և համեմատենք այդ հաշիւները քաղաքի իսկական վճարողական կարողութեան հետ, մենք պէտք է համոզենք, որ այս մուտքերը արհեստական կերպով մեծացած են, ելքերը իսկապէս տեղի են ունեցել, իսկ մուտքերը չեն գանձւել, որով բնականապէս բաց է մնացել մօտ 94000 ը. ապառիկների մի կլորիկ հաշիւ: Եւ այդ ծանր գոհաբերութիւնը կատարել է աւելի շատ Առևտրական դպրոց հիմնելու, այդ դպրոցի շէնքը կառուցանելու, այդ դպրոցի անհրաժեշտ առարկաների հոգալու, և նրատարեկան ծախսը ծածկելու համար, սակաւ ուշադրութեան առնելով քաղաքի ուրիշ ծով կարիքները: Այն, Առևտրական դպրոց հիմնելու գաղափարը մեծ մասամբ մղել է մեր քաղաքը զէպի տնտեսական քայքայում. այդ հաստատութեան անհրաժեշտութիւնն է եռապատիկ բարձրացրել քաղաքի հարկերի չափը և քանակութիւնը: Որպէսզի մեր խօսքերը լոկ ենթադրութիւններ չլինեն, այստեղ պարտաւոր ենք մի զրութիւններ չլինեն, աշտեղ պարտաւոր ենք մի թեթև համեմատութիւն դնել մեր քաղաքի ելք և մուտքի հաշիւներից, որպէսզի հասկանալի լինի եղած հարկերի մեծանալու չափը և նրա յարատե բարձրանալու պատճառները և հետևանքը:

Սրանից տասն և հինգ տարի առաջ, երբ Ալէքսանդրապոլ քաղաքը տնտեսապէս կառավարուում էր դեպուդատներին կանտորի ձեռք, քաղաքի բոլոր մուտքերն էին 48000 ռ., իսկ դեպուդատներին կանտորի ծախսն էր մօտաւորապէս 2500 ռ. մի քիչ աւել կամ պակաս:

Քաղաքացիները կամեցան ունենալ իրանց սեփական քաղաքային ինքնավարութիւնը և ազատել պօլիցիականներին անհաշիւ և անկօծարող տիրապետութիւնից, բայց իրականութեան մէջ տարբերութիւնը շատ չնչին եղաւ, որովհետև քաղաքային վարչութեան մէջ լցւեցին նոյն պօլիցիայից հեռացածները և արտաքուստները, որոնք փոխեցին միմիայն իրանց հագուստը, իսկ գործավարութեան ձեւը մնաց միևնոյնը*):

Այժմ մեր քաղաքային վարչութեան ծախսն է միայն 25706 ռ., իսկ քաղաքային տնտեսութիւնն է, որպէս թէ 150,000 ռ.: Ինչպէս երևում է այս հաշիւից, քաղաքային գործավարութիւնը թէև շատացել է երեք անգամ, բայց վարչութեան համար եղած ծախսն էլ բարձրացել են տասը անգամ, թէև մեզ յայտնի է, որ քաղաքի ընդհանուր տնտեսական վիճակը համեմատած սրանից 15 տարի առաջ եղած դրութեան հետ, պակասել է չորս անգամ, իսկ կենսական պիտոյքները և հարկերը քաղաքացիների համար էլ բարձրացել են երեք անգամ: Բայց խնդիրը

*) Նախկին պրիստաւ պ. Տէր-Սահակեանը, յետոյ քաղաքային վարչութեան պաշտօնեայ, կեղծ անդորրագրով բաւակոնին խոշոր փող կորզել է մեր քաղաքացիներից և փախել. մի քանիսն էլ ուրիշ գործեր են արել:

այն է, թէ որքան շահեց քաղաքը այդ վարչական բարեփոխութեան մէջ:

Առայժմ հրապարակապէս յայտնի է դարձել, որ մեր քաղաքային վարչութեան մէջ օրինակելի գործավարութիւն, խելացի տնտեսութիւն, հաշիւ և հրակողութիւն չկայ, պաշտօնական թղթերի եղծելն ու կեղծելը մի տեսակ հիւանդութիւն է դարձել: Առաջիկայ վերաքննութիւնը գուցէ հրապարակ հանէ այնպիսի բազմաթիւ դէպքեր, կորած անդորրագիրներէ և կորած պայմանների գանազան ձևեր, որոնք անյայտացել են մեծ ու փոքր կապոցներով...—Տես «ЖИВОЕ СЛОВО» № 11—1911 г.

Վարչական և տնտեսական այդ անբնական դրութիւնը բացատրելու համար պէտք է յիշենք, որ մօտիկ տարիների կեղծ ազատագրական շարժումը այն աստիճան վարակել էր նաև մեր քաղաքային վարչութեան անդամներին և ծառայողներին, որոնք ամենայն ժրջանութեամբ շահագործեցին քիչ աշխատելու, լաւ ապրելու և տիրողաբար հրամայելու բոլոր սկզբունքները: Այդ գաղափարների ազդեցութեան տակ, անսպասելի կերպով շատացան թէ ծառայողների թիւը և թէ նրանց ուժիկները*), որը միանգամայն շատ բարձր է Ալէքսանդրապոլի այժմու կարողութեան համար: Ամեն մի պաշտօնեայ փաշայական դիրքով, ունի իր օգնականները և գրագիրները, որոնց շատութիւնը ոչ թէ միայն խանգարում է կանոնաւոր գործավարութեան ընթացքը, այլ և քաղաքային հաստատութիւնը մօտեցնում է մի անկելանոցի**):

*) 1898 թ. քաղաքային վարչութեան ծախսն էր 13153 թ. ուրեմն 12 տարւան մէջ կրկնապատկել է այդ ծախսը:

**) Մօտ օրերս միայն յայտնի եղաւ, որ քաղաքային

Մի քանի անգամ փորձեր են եղել ֆինանսական մասնաժողովի ձեռք կրճատել—չափաւորել եղած պաշտօնների թիւը, բայց ամեն անգամ էլ խիստ հակառակութիւն է առաջ եկել քաղաքային վարչութեան և խորհրդի մէջ: Քաղաքային վարչութիւնը ոչ մի կերպ ցանկութիւն չէ ունեցել յետ մնալ մեծ քաղաքներին յատուկ շատ պահելու մտքից, չի կամեցել զրկել իր մի որեէ անդամին շահաւէտ պաշտօնից և այդ իսկ պատճառով պահում է շատ ու շատ երկրորդական և երրորդական նշանակութիւն ունեցող պաշտօններ և պաշտօնեաներ, որոնց կատարած ծառայութիւնը, համեմատած պետական հաստատութիւնների հետ (ինչպէս օրինակ՝ փոստ-հեռագրական և բանկային հաստատութիւնների հետ), բոլորովին թեթեւ է և շատ մեծ վարձատրութեան մէջ հաստատւած: Մի քանի ազդեցիկ և արտօնեալ քաղաքացիներ էլ ժառանգաբար տիրապետել են քաղաքային տնտեսական կառավարութեան գործերը, մի քանիսն էլ գեղեցիկ համերաշխութեամբ շրջապատել են քաղաքային վարչութեան խորհուրդը և ձեռք են բերել քաղաքային հասոյթների շահագործութիւնը, որը անմիջապէս, որը բարեկամ-ազգական ընկերների շնորհիւ և այդ իսկ պատճառով միշտ արգելք են հանդիսանում քաղաքային ծախսերի չափաւորելուն, կրճատելուն, և անդադար աշխատում են

վարչութեան հարկահաւար եզոր Յովհաննանեանը կեղծ կրտսերներով իւրացրել է քաղաքային հարկերից մօտ 3 հազար ռուբլի և անյայտացել. այդ բանը կատարել է տարիների ընթացքում, քաղաքային վարչութեան հաշւապահների թիւ տակ. քաղաքային խորհուրդը 22-ն մարտի 1911 թ. վճռեց դատաստանական պատասխանատուութեան ենթարկել վարչութեան կազմը:

մուտքերի մեծանալուն և շատանալուն: Յիշենք այդ մուտքերից մի քանիսը, ինչպէս օրինակ՝ որպէսզի հասկանալի լինի մեր քաղաքի մուտքերի հետզհետէ բարձրանալու թէ կամայական լինելը, թէ ծանրութեան չափը և թէ արհեստական կերպով բարձրանալու իսկական նպատակը:

Ա. Ալեքսանդրապօլի բոլոր անշարժ կայքերը 1898 թ. ցուցակագրութեան և ապա հետզհետէ նոր գնահատութեան համեմատ հասնում են 4,178,720 ռուբլի: Քաղաքային վարչութիւնը անում է այժմ յօգուտ քաղաքի այդ կայքերից 10%, այն է 31500 ռուբ. դուրս հանած ըիչ արժէք ունեցող տները. բայց պէտք է յիշել, որ Ալեքսանդրապօլի անշարժ կայքերը նախքան քաղաքային վարչութիւն/ հաստատուելը, երբ կալւածքները աւելի զին և արժէք ունէին, քան այժմ, քաղաքը ստանում էր 6% և ազատ էր հարկը ուշացնելու համար սահմանւած տուգանքից: Երևանի նահանգապետի օգնական պ. Չեզանքից: Երևանի նահանգապետի օգնական պ. Չեխովսկու ստիպմամբ քաղաքացիները համաձայն եխան բարձրացնելու այդ հարկը, որպէսզի քաղաքային ինքնավարութիւն ստանան և քաղաքային վարչութիւնն էլ ապագայում նոր աղբիւրներ գտնելով կարող լինի իջեցնել նախկին գրութեանը: Բայց քաղաքային վարչութիւնը մինչև այսօր էլ ահագին բողոքների դէմ ոչ թէ միայն արամադիր չէ իջեցնելու այդ հարկերը, այլ և բոլորովին անարդար կերպով կրճատեց նոր տուն շինողներին 6 տարի հարկից ազատ լինելու թեթևութիւնից և որպէս պատիժ սահմանեց մի նոր հարկ ևս (пешя) ուշացած հարկի վերայ 12%:

Այդ անխիղճ հարկը ծանրանում է աւելի շատ չունևոր տնտեսների վրայ և կրկնապատկւում է

շատ անգամ նոյն իսկ տան վրայ եղած հարկը: Իսկ նոր տուն շինելը, նոր տան համար հող գնելը քաղաքից, արդէն կատարեալ պատուհաս է դարձել քաղաքացիների համար:

Քաղաքային վարչութիւնը կարծես թէ ուխտել է միանգամից կործանել տնտեսքերի տնտեսական կարողութիւնը և զանազան ներելի ու աններելի միջոցներով աշխատում է արգելք դառնալ, դժարութիւններ ստեղծել այն քաղաքացիների դէմ, որոնք տարիների ընթացքում դառն աշխատութեան միջոցով հաւաքել են մի քանի բուբլիներ և կամենում են պատասխարել իրանց ընտանիքը տուն շինելով, որը քաղաքի շահի տեսակէտից միանգամայն օգտակար է և կազմում է նրա մուտքերի աճման առաջին և մի որոշ ու հաստատուն աղբիւրը: Քաղաքային վարչութեան այդ հալածանքին ենթակայ են ոչ միայն եկւոր զբոսացի մարդիկ, այլ և ընդհանրապէս հաստատուն քաղաքաբնակները, որոնք 80 տարի քաղաքին հարկեր տալուց յետոյ էլ, չեն կարող մի կտոր հող ձեռք բերել բնակութեան համար: Այն հողաբաժինը, որոնք պօլիցիայի վարչութեան ժամանակ գնահատուում էր 10, 25 և 50 կոպ., իսկ մօտիկ ժամանակներս, քաղաքի աւելի յաջող ժամանակը, գենեբալ Պրասկուրեակովի կամիսիայի ձեռք գնահատած էր 30, 50 կոպէկից մինչև 1 ըուբլի, այժմ այդ հողաբաժինները բոլորովին անհասկանալի պատճառով և բռնութեամբ գնահատում են 3, 5 և 10 ըուբլի մի քառակուսի սաժէնը: Քաղաքային վարչութիւնը ինքը իրանից շատ բարձր գին նշանակել է այս կամ այն թաղի և հողաբաժինի համար և ապա աճողախօսութեամբ կուեցնում է քաղաքացիներին, առաւել ևս բարձրացնելու շինութեան հողերի գները: Այդ

պատճառով շատ քաղաքացիներ ստիպւած են հեռու մնալ քաղաքի հետ հողային գործ ունենալուց և աւելի ձեռնտու են համարում գնել քաղաքից հեռացող քաղաքացիների շինած տները և կամ հնուց պատասխարած հողերը: Արդէն զգալի է, որ հետզհետէ քաղաքում նոր հող առնելու և տուն շինելու գործը զգալի կերպով դադարում է: Քաղաքի մեծսնալուեն և բնական շինարարական գործի ընթացքին մեծ վնաս է բերում նաև այն ծանր և անխիղճ կարգադրութիւնը, որով քաղ. վարչութիւնը ստորագրութեամբ պարտաւորութիւն է դնում հող ստացող քաղաքացիներին նրանք տարւայ ընթացքում անպատճառ շինել ստացած հողամասի մի երրորդական մասը: Հակառակ դէպքում քաղաքային վարչութիւնը յետ է խլում քաղաքացու գնած հողը, նոր տարեկան տուրք է նշանակում սաժէնին 10 կոպ., որ ասել է թէ հողատէրը պարտաւոր է ոչ թէ միայն շինել, հողի արժէքը տալ, այլև մի նոր հարկ էլ վերան աւելացնել, որ տարեկան հասնում է երբեմն 20, 30, 50 և աւելի, որը քայքայում է խեղճ քաղաքացիների տնտեսութիւնը: Ահա այդպիսի խեղճ քաղաքացիների դէմ դատ վարելու համար է, որ վարչութիւնը հազարներ ուճիկ տալով պահում է մի փաստաբան, որը անցեալ տարի 650 անխիղճ և անարդար գործ է վարել քաղաքացիներին հարստահարելու համար և որպէս պարգև քաղաքային վարչութիւնից էլ ստացել է, նաև մի կլասիկ, շատ առատ վարձատրութիւն: Քանիցս անգամ խնդիր է եղել պակասեցնել անշարժ կայքերի հարկը էժանացնել տան շինութեան հողերի արժէքը, բայց քաղաքային վարչութիւնը միշտ ցոյց է տւել իր անյատակ հաշիւը և ահագին ծախսերի չափը և մերժել է քաղաքացիների արդար պահանջը:

Բ. Հարկերի մի այդպիսի անխիղճ բարձրացում տեղի է ունեցել նաև քաղաքապատկան վարելահողերի հետ, որը ներկայացնում է քաղաքի խոշոր և հաստատուն մուքերից մէկը: Քաղաքը ունի մօտ 3000 զեսեատին վարելահողեր, որը առաջ տրւում էր քաղաքաբնակ երկրագործներին զեսեատինը 60 կոպէկից մինչև 1 բուբլի: Քաղաքային վարչութիւնը աճրգախօսութիւնների և մրցութիւնների շնորհիւ բարձրացել է այժմ զեսեատինը 7 ր. 10 ր. և անդտեղ մինչև 15 ր.: Քաղաքաբնակ երկրագործ դասը ուրիշ ոչ մի պարապմունք չունենալու պատճառով ստիպւած է ճարահատեալ բարձրացնել այդ հողերի տարեկան վճարը և հնար ու միջոց չունենալով հանգստացնել կամ պարարտել հողը, շարունակ հարստահարում է երկրի պողաբերութեան ոյժը, որպէսզի կարողանայ վճարել սոսկալի հարկերը: Բայց և այնպէս, հողի ուժասպառութեան շնորհիւ շահագործումը այլևս դադարել է. հողագործներից շատերը չեն կարող վճարել այդ ծանր հարկերը, կէսն են վճարում և քաղաքը ստիպւած է այդպիսիների դէմ շարունակ դատ բանալ, որը իհարկէ մեծ վնաս է թէ քաղաքի և թէ քաղաքացիների համար:

Միայն մօտ օրերս քաղաքային վարչութիւնը նոր է հասկացել մշակութեան այդ կործանիչ քաղաքականութիւնը և վճռել է հրաւիրել մասնագէտ գիւղատնտես, որը քաղաքային գիւղատնտեսական մասնաժողովի ձեռք պէտք է խելացի մշակութեան ձև մտցնէ այդ քաղաքապատկան հողերի մէջ և արդար գնահատութիւն հաստատէ աշխատաւոր դասի համար:

Գ. Քաղաքացիներից շատերը, քաղաքի հէնց նոր հիմնարկութեան օրից տիրապետել էին քաղաքի շրջականերում զանազան տեղեր, բանջարանոցներ էին

չինել և քաղաքին էլ տալիս էին որոշ հողային հարկ, որովհետև այդ հողերը մտցրած էր քաղաքային յատակագծի մէջ, որպէս քաղաքապատկան հողեր: Մեր քաղաքային վարչութիւնը առանց երկար մտածելու, նահանգապետի հրամանով գրաւեց այդ հողերը և քաղաքապատկան սեփականութիւն, սկսեց աճուրդով տալ ցանկացողներին տասնապատիկ բարձր վճարով: Այդ անարդար յափշտակութեան գործից առաջ եկաւ անագին զատաստանական գործ քաղաքի և հողատէրերի մէջ, որը քայքայեց թէ քաղաքի և թէ քաղաքիների կարողութիւնը: Ի վերջոյ Երևանի նահանգական ատեսանի վճռահատութեամբ այդ հողերից շատերը ճանաչւեցաւ քաղաքացիների սեփականութիւն, իսկ փոքր մասը մնաց քաղաքին, որը այժմ աճրգախօսութեամբ այնպիսի սոսկալի գներով է տրւում, որ մշակ դասը տարին ամբողջովին չարչարելուց յետոյ էլ, եթէ ազատւած լինի ցրտահարութիւնից և կարկտից շատ անգամ հազիւ կարողանում են տալ տարեկան հարկը: Այդպիսի արհեստական կերպով եռապատիկ բարձրացել է քարահանքը, քաղաքապատկան կրպակների վճարը, սպանդանոցի և քաղաքային այլ և այլ մուտքերը, որոնք հզօր կերպով ճնշում են քաղաքացիների անտեսական կեանքը:

Դ. Քաղաքային վարչութեան ստեղծած մի նոր հարկի կամ մուտքի աղբիւրը էլ, անասուններ վաճառելու հրապարակի հարկն է, որը թէև տալիս էր երբեմն քաղաքին մօտ 12,000 ր. եկամուտ, բայց անարդար գործադրութեան շնորհիւ դարձել է հարստահարութեան մի սոսկալի միջոց*) խեղճ գիւղական

*) Այն աստիճան անխիղճ է այդ հարկը, որ այս տարի 5 անգամ աճուրդի են դրել այդ մուտքը, բայց ոչ մի մարդ չէ կամեցել վեր առնել հարստահարութեան այդ դործը:

դասի դէմ: Քաղաքային վարչութեան սահմանած այդ օրէնքի հիման վրայ, գիւղացին պարտաւոր է իր ծախու անասունները բերել քաղաքային հրապարակը և միայն այդ նշանակած տեղը վաճառել և վճարել որոշ տուրք անասուններից: Այդ բռնութեան գործը այնպիսի անխիղճ հարստահարութեան ճանապարհ բացեց ենիչարի կապալառուների համար, որոնք անագին փող տալով քաղաքին, ստիպւած էին անարդար ճանապարհով և անուր յանցանքներ կատարելով կրկնակի գումարը քամել գիւղացիներից, հարկի ենթարկելով ոչ թէ միայն գիւղացու ծախած անասունները, այլ և լծկան եգները, ամառանոց գրնացողների կովերն ու ոչխարները ճիշտ բարբարոսական միջոցներով: Եւ Ալէքսանդրապոլի գաւառի գիւղական դասը չկարողանալով այլ ևս տանել այդ անխիղճ կապալառուների հարստահարութիւնները, ծեծը, զրկանքը և հայհոյութիւնները, ստիպւած եղան իրենց անասունները վաճառել կամ գիւղում կամ յանձնել զանազան շարչիներին Թիֆլիս և Բագու արտահանելու համար, որով սոսկալի կերպով տուժեց քաղաքը թէ առևտուրի և թէ մսի թանկութեան պատճառով:

Վերոյիշեալ մի քանի փաստերն էլ բաւական են մեզ համոզելու, որ Ալէքսանդրապոլ քաղաքի մուտքերի աճումը տեղի է ունեցել ոչ թէ բնական տրնտեսական յարատե և հաստատուն աճման ճանապարհով, այլ բռնութեամբ և կամայականութեամբ, որը իհարկէ քայքայելու էր ժողովրդի տնտեսական կարողութիւնը, ի վերջոյ 90,000 ըուբ. ապառիկների հաշիւներ թողնելով քաղաքին: Եւ այդ բոլորը լոկ մնափառ մեծամտութեան համար, որպէսզի մեր քաղաքային վարչութեան գործիչները հնար ունենային

ցոյց տալու բարձրագոյն իշխանութեանը, թէ քաղաքի տնտեսական դրութիւնը շարունակ աճման և բարգաւաճման մէջ է թէ Ալէքսանդրապոլը որպէս հարուստ վաճառաշահ քաղաք, անհրաժեշտօրէն պէտք ունի Առևտրական դպրոց հիմնելու նրա հոյակապ շէնք շինելու և պահելու և այդ գործը կարող է անել քաղաքը նոյն իսկ առանց կառավարութեան օժանդակութեան*): Իսկ քաղաքային ծախսերի շատութեան, շուայրութեան ալան-թալանի և աննպատակ լինելու մասին այստեղ ոչ մի բան չենք ասելու, որովհետեւ հասկանալի է, որ եթէ կայ մուտք, ելքերը իսկոյն առաջ են գալիս, որտեղ կայ դիակ, արծիւները անպակաս են: Եւ մեր նպատակն էլ չէր քննել քաղաքի ել ու մուտքը, այլ պարզապէս ցոյց տալ այն արհեստականացրած թւերի խախուտ լինելու հիմունքները, որի հիման վրայ կառուցւած էր Ալէքսանդրապոլի հարստութեան գաղափարը և Առևտրական դպրոց բանալու մեծ ծրագիրը:

XIV

Ալէքսանդրապոլցիներից շատ շատերը և նոյնիսկ օտար քաղաքացի բարեմիտ անձինք արդէն հասկացել և հասկանում են Ալէքսանդրապոլ քաղաքի տրնտեսական ներկայ դրութեան լուրջ տկարութիւնը և կարեկցաբար առաջարկում են զանազան միջոցներ բարելաւելու թէ քաղաքի և թէ գաւառի տնտեսական դրութիւնը, որը իրաւի ճգնաժամի մէջ է: Սակայն ամեն մարդ իր հասկացածի համեմատ միջոցներ է առաջարկում, որպէս նպատակայարմար և գործնա-

*) «Ախուրեան» № 74 — 1910 թ.

կան օգնութեան ճանապարհ: Բազմաթիւ լրագրական յօդաճանապարհով, դասախօսութիւններով միջոցով առաջարկում են զարգացնել տեղային գիւղատնտեսութեան այս կամ այն ճիւղը, խօսում են ջրաբաշխութեան գործ առաջացնել, հաստատել փորձնական դաշտեր և գաւառի միակ տնտեսական ոյժը երկրագործութիւնը առաջադիմութեան մէջ դնել և այլն: Քաղաքային վարչութիւնն էլ հաստատել է իր յատուկ գիւղատնտեսական մասնաժողովը և ունի իր օրինակելի ագարակը, իսկ գաւառի համար կազմեաժ է Կոփկասի հայոց գիւղատնտեսական և անայնագործական ընկերութեան տեղային ճիւղը, որի նպատակն է օգնել գաւառի գիւղացիութեանը: Մենք հոգով չափ ուրախ ենք, որ Ալէքսանդրապօլ գաւառի տնտեսական բարեփոխութեան հարցը մտել է իր բնական հետաքրքրութեան և գործնական ճանապարհի մէջ: Բայց հիմնած տեղային պայմանները և գործնական փորձառութեան վրայ, տարակոյս ենք յայտնում թէ այդպիսի մասնաժողովները և ընկերութիւնները կարող լինեն և ձեռնհաս օգնելու մի ամբողջ քաղաքի և գաւառի տնտեսական բարեփոխութեանը:

Նպատակի մեծութեան և ծով կարիքի հանդէպ բնականապէս անգոր են այդ մի քանի վաճառականներից, ուսուցիչներից, պաշտօնեաներից և կալածատէրերից պատահաբար կազմած ընկերութիւնները, որոնք իրանց անդամակցական վճարը տալուց յետոյ անշուշտ պէտք է թողնեն ու գնան իրանց պաշտօնին, այդ փափուկ անլած մարդկանցից և ոչ մէկը չի կարող դնալ Շիրակի աղքատ գիւղերը, ամիսներով և շաբաթներով ապրել խորթ և անյարմար կեանքի մէջ և անպատրաստ գիտութեամբ, առաջնորդ

հանդիսանալ գիւղացու տնտեսական կեանքին: Թող հաւաքեն շատ ու շատ ժողովներ, հետաքրքրեն, պարզեն գիւղացիութեան ցաւերը, — այդ բոլորը շատ ու շատ ցանկալի հետեանքներ կարող են ունենալ. բայց մեր գաւառի և հետևապէս քաղաքի տնտեսական փրկութիւնը կախեաժ է ոչ թէ մի քանի տասնեակ զանազան կրթութեան, հասկացողութեան և տարբեր ուղղութեան մարդկանցից, այլ մի սեփական միջնակարգ գիւղատնտեսական դպրոցից, որից հետոյ հետէ գուրս գալած քաղաքացի և գիւղացի երիտասարդները կարող են տարիների ընթացքում բարեփոխել մեր տնտեսական կեանքը: Միմիայն մեր գաւառի գիւղատնտեսական միջնակարգ դպրոցը, եթէ երբևիցէ Ալէքսանդրապօլ գաւառը բախտ ունենայ իր մէջ հաստատ տեսնելու, կարող է բարեփոխել մեր տնտեսութիւնը: Այժմ ամենայարմար ժամանակն է, որ մեր գաւառական և քաղաքային վարչութիւնները միասին մի լուրջ և բազմակողմանի քննութեան վրայ հիմնած ծրագրով, դիմեն կառավարութեան հիմնելու գիւղատնտեսական մի միջնակարգ դպրոց Ալէքսանդրապօլում, որը 200,000 հոգի ունեցող մի գաւառի և 30,000 բնակչութիւն ունեցող քաղաքի համար էական պահանջ է, որովհետեւ մի ամբողջ գաւառի տնտեսական կործանման խնդիրը ամենից առաջ պետական մեծ նշանակութիւն ունեցող մի խնդիր է:

Ինչպէս որ ամեն մի հիմնարկութիւն ունի իր յատուկ կանոնադրութիւնը, ծրագիրը և որոշ ուղղութեամբ դիմում է մի նպատակի, այնպէս էլ գիւղատնտեսական միջնակարգ դպրոցը միայն կարող է լինել մի յարատեւ և մշտավառ հնոց երկրի տնտեսական կեանքի մէջ շերմութիւն և կեանք առաջացնելու համար:

Այն, զիւղատնտեսական միջնակարգ դպրոցը միայն կարող է և ձեռնհաս իր հաստատուն և մըշտական հոգաբարձութեան ձեռք, փորձառու և մասնագէտ ուսուցիչներին առաջնորդութեամբ և տեղաշին ոյժերի մասնակցութեամբ կատարել այն անտեսական բարեփոխութիւնը, որը անհրաժեշտ է մեր անտեսական կեանքի պահանջին բաւականութիւն տալու համար: Որ զիւղատնտեսական միջնակարգ դպրոցը միայն կարող է զէպի ինքը գրաւել գաւառի երիտասարդութիւնը, կրթել նրան մտաւոր և ֆիզիքական կարողութեան մէջ և որպէս պատրաստուած ոյժեր, վերադարձնել զէպի զիւղացիութիւնը այդ մեր անտեսական կեանքի բարեփոխութեան առաջնորդները,— այդ բանը բոլորովին կասկածից դուրս է, այդ միակ և փրկարար ճանապարհով են ընթացել այն բոլոր ազգերը և ժողովուրդները, որոնք հասկացել են ընտելեան անբաւ հարստութիւնից իրանց բաժինը ստանալ խելացի և հաստատուն ճանապարհով:

Գուցէ Ալէքսանդրապօլցիներին շատերը կարծիք ունենան թէ զիւղատնտեսական միջնակարգ դպրոցը ուսման և գիտութեան ծաւալով անբաւարար է կամ ստոր առևտրական կամ ըէտլական դպրոցից, այդպիսինների կարծիքը սխալ է և փարատելու համար պիտի յիշենք, որ զիւղատնտեսական միջնակարգ դպրոցները հաստատուած են 1888 թ. ըէտլական միջնակարգ դպրոցների ծրագրի և 1889 թ. սեպտեմբերի 27-ին հաստատուած կանոնադրութեան համաձայն ունեն վեց դասարանական կազմ, որը բացի ընդհանուր միջնակարգ կրթութիւնից ունի նաև այն առաւելութիւնը, որ անտեսական և գործնական կրթութեան ձեռք պատրաստում է աշխատանքի ընդու-

նակ աշակերտներ: Ահա այդ տեսակ դպրոցների կանոնադրութիւնը և ծրագիրը.— Կրօն, Ռուսաց լեզու, Գերմաներէն, Աշխարհագրութիւն զիւղատնտեսական և արդիւնաբերական տեսութեամբ, Ընդհանուր և ուսաց պատմութիւն, Գծագրութիւն, Թւարանութիւն, Երկրաչափութիւն, Կենդանաբանութիւն, Բուսաբանութիւն, Հանքաբանութիւն, Ֆիզիկա և օդերեւոյթաբանութիւն, Քիմիա, Գիւղական շինարական գիտութիւն, Անասնաբուծութիւն, Գիւղատնտեսական հաշէզգիտութիւն և Գիւղատնտեսական օրէնսգիտութիւն: Այդ տիպի դպրոցները նախակրթարաններ չունեն. ընդունւում են աշակերտներ առանց կրօնի և ազգի խտրութեան տասներկու տարեկանից և վեց տարի շարունակ կրթելով տեսական և գործնական գիտութիւնների մէջ, պատրաստում են քաղաքացիներ, բոլոր միջնակարգ (ըէտլական գիմնազիական) դպրոցական յատուկ իրաւունքներով ու արտօնութիւններով: Ընթերցողներին խորհուրդ ենք տալիս համեմատել մեր Առևտրական դպրոցի կանոնադրութիւնը և ծրագիրը այդ դպրոցի հետ*), ձեռք

*) Իսկ Առևտրական դպրոցի ծրագիրն է.— Կրօն, Ռուսաց լեզու և գրականութիւն, Գերմաներէն, Գաղիական և Անգլիական լեզուներ, Պատմութիւն, Աշխարհագրութիւն, Թւարանութիւն, Բնագիտական պատմութիւն, Ֆիզիկա, Առևտրական Թւարանութիւն, Հաշւապահութիւն և առևտրական թղթակցութիւն, Քաղաքատնտեսագիտութիւն, Առևտրական օրէնսդրութիւն, Քիմիա և առարկայագիտութիւն, Առևտրական աշխարհագրութիւն, Սղագրութիւն, Գծագրութիւն և Մարմնամարզութիւն:

Այդ ծրագիրը արդէն ցոյց է տալիս թէ որքան Առևտրական դպրոցի ուղղութիւնը բարդ է և կապուած աւելի մեծ չափով խոշոր արդիւնաբերական և վաճառականական ուղղութեան հետ, որը մեր աղքատ քաղաքի և գաւառի մէջ գործադրութեան հող չի կարող գտնել երբէք:

ներմուծել առևտրական դպրոց: Այդ ընդհանուր ցանկութիւնը արտայայտուեցաւ 1906 թ. նոյ. 21-ի առևտրական դպրոցի հոգաբարձութեան մանկավարժական և ծնողական ընդհանուր ժողովի մէջ և յետագայ հանգամանքները առաւել ևս պարզեցին այդ էական նշանակութիւն ունեցող խնդրի կարևորութիւնը: Բայց խնդիրը այն է թէ կարելի է արդեօք գիւղատնտեսական գիտութիւնները ներմուծել Ալէքսանդրապոլի առևտրական դպրոցը, կամ կարելի է արդեօք Ալէքսանդրապոլի առևտրական դպրոցը վերածել գիւղատնտեսական միջնակարգ դպրոցի— ահա այդ երկու գլխաւոր հարցերը են որոնք արժանի են լուրջ քննադատութեան, ուսումնասիրութեան և գործնական կեանքի մէջ իրականացման միջոցների մասին մտածելու: Ինչպէս յայտնի է Ռուսաստանում այժմ հետզհետէ շատանում են միջնակարգ գիւղատնտեսական դպրոցների թիւը և այնպիսի միջնակարգ դպրոցների թիւը, որոնք ունեն գիւղատնտեսական բաժանմունք: Կառավարութիւնը ինքը աշխատում է այդ ուղղութեամբ, յայտնի մասնագէտ մանկավարժներն ու գիւղատնտեսներն էլ համաձայն են այն սկզբունքին թէ կարելի է բէալական ընդհանուր ծրագիրը պահելով հանդերձ— աշակերտութեանը սովորեցնել նաև գիւղատնտեսական գիտելիքները: Ուրեմն երբ այդպիսի դպրոցներ արդէն կան, գործում են, և հիանալի կերպով, պէտք է ընդունել որ կեանքը, իրական պահանջն է առաջ բերել այդ տիպի դպրոցները և այդպիսիների և հետզհետէ բազմանալը արդէն ապացոյց է որ կարելի է և հնարաւոր բէալական միջնակարգ կրթութեան հետ սովորեցնել նաև գիւղատնտեսական գիտութիւնը— առանց ծանրաբեռնելու աշակերտի ֆի-

զիբական և մտաւոր կարողութիւնը: Կովկասի ուսումնարանական շրջանի հոգաբարձու պ. Ռուզովիքը որը դպրոցական կրթական գործի մէջ համարում է հեղինակաւոր անձն— մօտ օրերս ծրագիր է կազմել Մուլուսի բէալական դպրոցը վերածել ութ դասեան գիւղատնտեսական դպրոցի— անշուշտ կարելի և օգտաւէտ համարելով այդ բարեփոխութեան գործը, որը մատչելի և նպաստաւոր է նաև աշակերտութեան մտաւոր և ֆիզիքական կարողութեանը: Ուրեմն այն ցանկալի բարեփոխութիւնը, ինչ որ գգացել և կատարում են գանազան բէալական դպրոցների վարչութիւնները— պէտք է օրինակելի լինի նաև մեզ համար, քանի որ մեր քաղաքը և գաւառը ամենից շատ պէտք ունի այդպիսի բարեփոխութեանը: Մեր առևտրական դպրոցի կանոնադրութեան հարց յօդուածը արդէն նախատեսել է այդ բարեփոխութեան ուղին, որով հարկաւոր գէպքում, կարելի է դպրոցի կանոնադրութեան մէջ մտցնել այնպիսի առարկաների դասաւանդութիւնը, որը անհրաժեշտ է նկատում տեղական պահանջի համեմատ: Ուրեմն ուսումնական-մանկավարժական տեսակէտով կարելի է ընդունել որ գիւղատնտեսական ուսման մուտքը Ալէքսանդրապոլի առևտրական դպրոցում, ոչ մի խոչընդոտի չի հանդիպի, ի նկատի առած նոյն իսկ Ալէքսանդրապոլի կլիմայական— բնական պայմանները և աշակերտութեան ֆիզիքական— մտաւոր կարողութիւնը: Միայն խնդիրը դեռ ևս քննելի է իւր նիւթական— տնտեսական կազմերով, որի տնտեսութիւնը արգարե ունի իւր լուրջ հիմունքները, իւր զբաղման կողմերը:

Ինչպէս յայտնի է, Ալէքսանդրապոլ քաղաքը արդէն ունի իր օրինակելի գիւղատնտեսական ազա-

րակը*), որի տարեկան մուտքը, քաղաքի 1910 թ. նախահաշվի համաձայն լինելու է 4160 բ. քաղաքային խորհուրդը արդէն վճռել է հրաւիրել մի յատուկ գիւրամտես, քաղաքի հողային տնտեսութիւնը բարեկարգելու համար: Քաղաքային ագարակը ունի իւր յատուկ սեփական շէնքը, բաւականաչափ գիւղատնտեսական գործիքներ, ընդարձակ ջրարբի հողաբաժին, որը կարելի է զեռ ևս ընդարձակել քաղաքապատական կից հողերով: Ուրեմն այդ տեսակետով քաղաքը արդէն կիսով չափ ապահովել է գործի յաջողութիւնը. մնում է որ գիւղատնտեսական ագարակի և գիւղատնտեսական մասնաժողովի գործը միացնել առևտրական դպրոցի և հոգաբարձութեան հետ, հրաւիրելով մի քանի այլ գիւղատնտեսներ—և կրճատել առևտրական դպրոցի աւելնորդ եղած մի քանի ուսուցիչների ցուցակը: Անշուշտ հարկաւորութիւն կայ այլ և այլ ծախսերի համար—բայց այդ բոլորը այնքան էլ ծանր ու անտանելի արգելափոխներ չեն, քանի որ ինքը գիւղատնտեսական դպրոցը աշխատանքի մի անվերջ աղբիւր է և կապած է կենդանի գործունէութեան հետ: Յիշենք նախ, որ քաղաքային ագարակը կամ ապագայ գիւղատնտեսական դպրոցը կարող է քաղաքին հասցնել անթիւ պտղատու ծառեր թէ վաճառելու համար և թէ անպտուղ ծառեր, քաղաքի փողոցները, ճեմելիքները զարդարելու համար, այդ արդէն մի օգտաւէտ գործ է: Օրինակելի բանջարագործութիւնը, ծաղիկների մշակութիւնը, այգեգործութիւնը, մեղաբուծութիւնը էլ կարող են մեծ շահ խօստանալ: Երկրագործական գործիքների վաճառման գործը, եթէ կանոնաւորի գաւառի մէջ, կարող է նւթական օգնութեան

*) Городской сельско-хозяйств. ферма

հասնել դպրոցին և խելացի տնտեսութեան շնորհիւ մի պատկառելի հասոյթ դառնալ դպրոցի գեախնը ապահովելու համար: Եւ եթէ մասնաւոր անհատներ, ընկերութիւններ կարող են գիւղատնտեսութիւնից նիւթական շահ ստանալ, ինչու այդ բանը չի կարող անել ինքը, գիւղատնտեսական դպրոցը:

Մեր քաղաքում և գաւառում հետզհետէ տարածուում է այգեգործութիւնը և ամեն տարի ներմուծում է մեր երկիրը մի քանի հազար բուբու պտղատու ծառեր, տունկեր և այլ տնային բոյսեր ու ծաղիկներ, այդ բոլորը ամենայն հեշտութեամբ կարող է անել գիւղատնտեսական դպրոցը և ապահովել իր մուտքերի մի մասը:

Բայց ամենակարևորը այն էր, որ անպատճառ պէտք է շատացնել մեր Առևտրական դպրոցի աշակերտների թիւը հասցնել գոնէ մինչև 700—800 հոգի, որպէսզի հնարաւոր լինի ապահովել դպրոցի շարունակութիւնը և անկախութիւնը, այդ բանը կարելի է միմիայն գիւղատնտեսական ճիւղի ներմուծելով Առևտրական դպրոցում: Աշակերտների թւի շատութիւնը միայն կարող է իջեցնել ուսման վճարը մինչև յիսուն բուբու, այլապէս 300—400 աշակերտ ունեցող միջնակարգ դպրոցը, որից 10 տոկոսն էլ ազատ է ուսման վճարից, չի կարող ոչ թէ միայն ապահովել իր տնտեսական դրութիւնը, այլև չի կարող յարատևել, բարոյական հեղինակութիւն վաստակել թէ տեղական ժողովրդի և թէ մանաւանդ զրացի գաւառների մէջ: Շիրակի գիւղացիութիւնը (200 գիւղեր) կարող է լիապէս աշակերտների թիւ տալու, ամեն գիւղից գոնէ մի աշակերտ ուղարկել գիւղատնտեսական դպրոցը. այլևս չենք խօսում մեր զրացի գաւառների այն է՝ Ախալքալակի, Ախալցխա-

յի, Լոռիի, Մալաթի, Նոր-Բայազետի, Սարմալիի, Բզզերի և Ղարսի մասին որտեղի ժողովուրդը, մեծ անհրաժեշտութիւն ունի գիւղատնտեսական միջնակարգ դպրոցի և ամենայն սիրով կարող է աշակերտներ տալ Ալէքսանդրապոլին—քանի որ մեր երկրի կլիմայական, ազգաբնակչութեան և կենսական պայմանները յոյժ նպաստաւոր են այդ գաւառացիների համար: Մեր առևտրական դպրոցի փառաւոր և ընդարձակ շէնքը, գիւղատնտեսական ագարակի ընդարձակ և նպաստաւոր պայմանները, ամեն կերպ յարմարար են պարունակելու իրենց մէջ 7—8 հարիւր աշակերտներից էլ աւելի, և ահա այդ դրսեցի աշակերտութիւնը կարող է նպաստաւոր հանդիսանալ քաղաքի տուր և առի ապահովութեան համար: Այլևս չենք խօսում այն ահազին և անգին նիւթական և բարոյական շահաւէտութեան մասին, որ կարող է ունենալ մի միջնակարգ գիւղատնտեսական դպրոցը թէ մեր և թէ դրացի բոլոր գաւառի տնտեսական համերաշխութեան և թէ ժողովրդի նիւթական ապահովութեան մասին, այդ գործը համարելով ընդհանուր առաջադիմութեան և ապահովութեան գերագոյն հարց:

Կովկասի բարձրագոյն իշխանութիւնը արդէն ճանաչել է այդ էական խնդրի նշանակութիւնը և ամեն կերպ աշխատում է, որ շուտով բացւի Թիֆլիսի բարձրագոյն դպրոցը (ПОЛИТЕХНИКУМЪ) հանքային և երկրագործական բաժանմունքով: Եւ գուցէ հեռու չէ նաև այն բախտաւոր օրը, երբ իսկական բարեգործ Ա.թ. Ժամհարեանի կտակով բացւելու է Կովկասի գիւղատնտեսական համալսարանը: Միև կողմից Կովկասի ուսումնարանական շրջանի հոգաբարձուն խնդիր է յարուցել և արդէն գործնական

ճանապարհի վրայ է մի քանի ստորին արդիւնաբերական դպրոցների բացման գործը, որից մի հասն էլ պէտք է բացւի Ալէքսանդրապոլում: Քաղաքային խորհուրդը յարգեց իմ առաջարկութիւնը այն մասին, թէ ցանկալի է, որ Ալէքսանդրապոլում բացւի ոչ թէ ստորին, այլ միջնակարգ արդիւնաբերական դպրոց, քանի որ ստորին դպրոցները անգոր են օգնութեան հասնելու գաւառի տնտեսական փրկութեանը: Ցանկալի է, որ այդ հարցը հարկաւորապէս ուշադրութեան առարկայ դառնայ և հաւանական է, որ կառավարութիւնը ինքը աւելի շուտ այդ ուղղութեամբ նպաստող հանդիսանայ մեր Առևտրական դպրոցը միջնակարգ գիւղատնտեսական դպրոցի վերածելու գործի մէջ:

Միև կողմից Մոսկւայի հայոց եկեղեցական խորհուրդն էլ արդէն նշանակել է տարեկան հազար հինգ հարիւր ըուբլի նպաստ տեղիս Արղութեան դպրոցին կից գիւղատնտեսական դասընթաց հիմնելու համար: Այլևս չենք խօսում պ. Մանթաշեանի մտադրութեան մասին, որը կամենում է մի քանի գիւղատնտեսական դպրոցներ բանալ Անդրկովկասում որից մէկն էլ գուցէ մեր գաւառին բաժին հասնի: Այդպիսի մի գեղեցիկ միտք էլ պ. Մանդալեանն էր ունեցել:

Այդ բոլոր բարեյաշող հանգամանքները մեզ խոստանում և հաստատում են այն հաւատքի մէջ, թէ ժողովրդի տնտեսական բարեկեցութեան հարցը այդ գործին նպաստող գիւղատնտեսական դպրոցների գոյութեան խնդիրը արդարև լուրջ խորհրդակցութեան առարկայ է այժմ բոլոր բանիմաց անհատների և հաստատութիւնների մէջ: Եւ սրտանց պէտք է ցանկալ որ Ալէքսանդրապոլի հասարակութիւնն էլ

անտարբեր չմնայ դէպի այդ լուրջ և կենսական հարցը և օգուտ քաղելով ամեն մի յարմար դէպքից, աշխատի իրականացնելու այս կամ այն ուղղութեամբ մի միջնակարգ գիւղատնտեսական դպրոց ունենալու խնդիրը կամ գիւղատնտեսական ճիւղ մտցնելու մեր Առևտրական դպրոցը, անշուշտ հարկաւորապէս կը շուգատելով յարմարագոյն և օգտաւէտ ձևը և եղանակը: Բայց պէտք է գործել և գործել այդ ուղղութեամբ:

Վերջացնելով մեր խօսքը, քաղցր մխիթարութեամբ յոյս ենք տածում, թէ Ալէքսանդրապոլի հասարակութիւնը, քաղաքային խորհուրդը, տեղական մամուլը և ձեռնհաս անհատներ ուշադրութեան արժանի պէտք է համարեն Ալէքսանդրապոլի Առևտրական դպրոցի բարեփոխութեան հարցը, որը անկասկած ունի էական նշանակութիւն մեր քաղաքի կրթական և տնտեսական խնդրի մէջ, — անաշու քննադատութիւնը թող պարզէ այդ խնդրի դրական կամ բացասական կողմերը:

Վերջապէս պէտք է խոստովանենք և ճանաչենք որ Ալէքսանդրապոլում մի Առևտրական դպրոց բանալու հարցը դրւած է սխալ հաշիւների և անհաստատ հիմունքների վրայ, որովհետև մեր քաղաքը այժմ ոչ մի բնական տնտեսական և քաղաքական պատճառներ չունի վաճառաշահ կենտրոն լինելու:

Ուղղենք մեր սխալը և խոստովանենք, որ Ալէքսանդրապոլի Առևտրական դպրոցը իր ներկայ ուղղութեամբ անհարագատ է տեղային կեանքին և հետևապէս անօգուտ: Աշխատենք, որ անհրաժեշտօրէն հարկաւոր է մեր Առևտրական դպրոցը վերածել միջնակարգ գիւղատնտեսական դպրոցի կամ ներմուծել Առևտրական դպրոցում գիւղատնտեսական գիտու-

թիւնը, որպէսզի նա օգտաւէտ լինի քաղաքին և գաւառին:

Եթէ այդ ցանկալի բարեփոխութիւնը տեղի չունենայ, անշուշտ ցաւալի կողմը այն է լինելու, որ Ալէքսանդրապոլի Առևտրական դպրոցը ծծելով տարեկան մօտ 60,000 ռ. մեր աղքատ քաղաքից ու քաղաքացիներից, ի վերջոյ քամելու է տեղային ժողովրդի տնտեսական ոյժը, իսկ վերջինիս տկարութեան հետ ինքն էլ դադարելու է բնականապէս իր գոյութիւնից:



Յ Ա Ի Ե Լ Ի Ա Մ Ա.

Ալեքսանդրապոլի Առևտրական դպրոցի աշակերտների ցուցակը, որոնք աղատւած են ուսման վճարից 1909—10 թ.

	Բուբ.
1 Ալխազեան Սահակ	120
2 Խալաթեան Արտաւազդ	60
3 Խաժակեան Կարապետ	60
4 Տէր-Մկրտչեան Արտաւազդ	60
5 Զուեվ Վասիլիյ	60
6 Մարութեան Սիմէօն	80
7 Վօրկով Աղէքսանդր	80
8 Աթանասեան Սարգիս	100
9 Ղազանձեան Վարդան	100
10 Բալալովսկիյ Սիգիսմունդ	100
11 Աֆրիկեան Գագիկ	100
12 Վարդանեան Աղասի	120
13 Տէր-Յակոբեան Յովհաննէս	120
14 Հայրապետեան Ռեթէոս	120
15 Ղարազարեան Լիւզվիդ	80
16 Խորէնեան Աղասի	120
17 Ափոյեան Թադէոս	120
18 Տօնականեանց Կարապետ	100
19 Վարդանեան Կարապետ	100
20 Զաղուլով Նիկողայոս	60
21 Զեռնեակով Վասիլիյ	30
22 Կոստանեան Լևոն	120
23 Ղազարեան Անուշաւան	50
24 Յովհաննանեան Գուգէն	50
25 Զանանեան Խաչատուր	100
26 Խաչվանքեան Տաճատ	50
27 Բարկովիչ Իսահակ	100

28 Այվազեան Ներսէս	100
29 Աղայեան Մկրտիչ	100
30 Աղապալեան Մատթէոս	100
31 Պապիկեանց Գրիգոր	100
32 Շչուկին Լէօնիդ	50
33 Հայրապետեան Կարապետ	50
34 Մարտիրոսեան Կարապետ	50
35 Անդրէասեան Գէորգ	80
36 Նահապետեան Գէորգ	40
37 Միքայէլեան Գրիգոր	40
38 Տէր-Յովսէփեան Յովսէփ	80
36 Արշակունի Արտաւազդ	80
40 Սարոյեան Գրիգոր	80
41 Ղազարեան Լևոն	80
42 Մանուէլեան Սուբէն	100
43 Մանուէլեան Գէորգ	100
44 Կաշերկին	100
45 Վիլեամս	80
46 Սարգիսեան Արմէն	80
47 Տէր-Սահակեան	100
48 Թորոսեան Յարութիւն	120
49 Մանուկողեան Արամ	120
50 Հէքիմեան Հմայեակ	50
51 Խոյեցեան Յովսէփ	30

Գումարն է 4270*)

*) Ընթերցողի խորին ուշադրութեանն ենք յանձնում պարզելու այն հարցը, որ Առևտրական դպրոցի ձրիաժարժ աշակերտների ծնողներից շատերը և ազգականները, որպէս այդ դպրոցում ծառայող ուսուցիչներին, քաղաքային վարչութեան մէջ ծառայողների բարեկամներ, որպէս կալւածատէր և վաճառականներ, տարեկան հասոյթ ունեն միջին հաշուով 2—5 հազար բուբլի: Հոգաբարձութիւնը միայն կարող է պարզել, թէ ինչպէս այդ առահով աշակերտները ընկել էր ձրիաժարժների ցանկի մէջ, որոնցից շատերը որպէս օտար քաղաքացիներ, խլել են տեղացի աշակերտի իրաւունքը:

Յ Ա Ի Ե Լ Ի Ա Մ Բ.

Ալէքսանդրապօլի Առևտրական դպրոցի ուսուցիչների ու-
ձիկները և շարաթական դասերի թիւը 1006—7 դպրոցա-
կան տարում:

	Շարաթ- դաս	Մտայ. ուձիկը	Ինչ առար- կաներից է աւանդել
Վ. Ե. Րոմանովսկիյ	11	4025	Վերատես.
Պ. Գ. Իվանով	11	3450	Օգնական
Պ. Ի. Սմիրնով քահանայ	26	2050	Ռ. կրօն
Յ. Ս. Բուդաղեան	18	1350	Բուսարան.
Գ. Հ. Հախումեան	12	1620	Ֆիզ. քիմ.
Ն. Ս. Տէր-Սահակեան	19	1825	Բն. աշխ.
Ս. Է. Տատոմիր	28	1950	Գծագր.
Ա. Գօօսս	3	2325	Գաղ. լեզուի
Ա. Վ. Կաչերզին	21	2175	Ռուս. լեզ.
Մ. Պ. Տերեշչենկօ	21	1570	Թւարան.
Ա. Դ. Տէրտէրեան	25	2085	Ռուս. լեզ.
Լ. Գ. Մանուէլեան	24	2520	Ռուս. լեզ.
Ս. Գ. Տէր-Գրիգորեան	31	1750	Թւարան.
Ներսէս քահ. Նիկողոսեան	26	1800	Հայոց կրօն
Է. Բ. Բերնսօն	28	2550	Գ. և ա. գիտ
Կ. Վ. Աբովեան	29	2175	Գերման.
Ն. Յ. Կիրակոսեան	30	2070	Հայոց լեզ.
Է. Կ. Պր. Ժուկովսկայեա	12	900	Գաղիերէն
Ս. Ս. Իսահակեան	5	240	Հայոց լեզ.
Յ. Ն. Տէր-Մարտիրոսեան	2	300	Քաղ. տնտ.
Գ. Է. Բուրգովիչ	3	600	Երաժշտ.
Գումարը	306	38520	*)

*) Ներկայ 1910—1 թ. էլ այդ ծախսը նոյն է:

Յ Ա Ի Ե Լ Ի Ա Մ Գ.

Ալէքսանդրապօլի Առևտրական դպրոցի տարեկան
հաշիւը 1911 թ. համար

Մ ու ա թ

Ուսման վճար աշակերաններից	37080	—
Պ. Բայենդուրեանի կտակից	1700	—
Քաղաքի կողմից օժանդակութիւն	7200	—
Գումարն է	45,980	—

Ե Լ Ք

Վերատեսչի ուձիկ (բացի բնակ. և լուս.)	3200	—
Օգնականին	2400	—
Ուսուցիչներին բոլոր դասարաններին	32660	—
Բժշկին	400	—
Գրագարանի կառավարչին	180	—
Երաժշտապետին	600	—
Հոգաբարձութեան գործավարին	120	—
Ուսուցչական խորհրդի քարտուղարին	120	—
Դպրոցի վարչութեան գործավարին	500	—
Հոգաբարձական խորհրդի հաշւապահին	300	—
Աւագ ծառայողին	360	—
Դռնապահին	240	—
Չորս կրտսեր ծառաներին	864	—
Քիմիական բաժնի ծառային	240	—
Չանազան անտեսական ծախսեր	600	—
Ատենական ծախս	300	—

Ուսանողական գրադարանին	336	—
Հիմնական առարկաների	200	—
Ֆիզիքական կաբինէտին	1500	—
Բնագիտութեան և աշխարհ. առարկաներ	300	—
Ծառաների հագուստի	100	—
Անյայտ ծախսեր	100	—
Ուսուցչական շրջագայութեան ծախսեր	300	—
	<hr/>	
	Գումարն է 45,980	—

Այս հաշւի տակը պէտք է աւելացնել դպրոցի երկու յարկի շէնքի արժէքը, տարեկան եղած ծախսը տարութեան, լուսաւորութեան և նորոգութեան համար, որը արժէ մօտ 14020 ը.: Ուրեմն Առևտրական դպրոցի տարեկան ծախսը բարձրանում է մինչև 60 հազար ըուբլի: Այդ հաշւի մէջ չէ դպրոցի դասական առարկաների համար բաց թողած գումարները քաղաքային սնդուկից, որի գումարը 10 տարւայ մէջ կարող է լինել մինչև 80 հազար ըուբլի:

Ճանկալի է, որ դպրոցի գոյքի հաշիւը հրատարակած լինի գոնէ առաջիկայում:

ՏՊԱԳՐՈՒԹԵԱՆ ՀԱՄԱՐ ՊԱՏՐԱՍՏ ԵՆ

Անդրկովկասի Հայ-կաթօլիկները ժթ. դարում
(պատմական քննական ուսումնասիրութիւն և նիւ-
թեր հայ եկեղեցական պատմութեան համար): ...

Շիրակի գիւղատնտեսական և արդիւնաբերական
վիճակը:

ԳԻՆՆ Է 15 ԿՈՊ.

« Ազգային գրադարան



NL0229883

51. 258